

現代分類尺牘大全

現代分類尺牘大全

△學界

△△學人家庭類

附親戚

△稟祖母父陳告已進學校

祖母父大人尊前敬稟者不聆

訓誨忽忽數日恭維

起居萬福爲頌爲慰孫男叩別後於當日傍晚卽到首都。探望親友者兩天。由某某世伯介紹於昨晨已進某某學校校舍宏敞花木繁多雖在城中大有鄉間風景。

空氣之佳。尤爲衛生所宜。惟是初離
左右。孺慕之私。無時或忘耳。此稟

賜覽後。請付

母父

親大人一閱。

恕不另稟。專肅恭叩

福安。

孫男某某謹稟

月 日

母父

△稟

母父

報告學校情形

親大人膝下。敬稟者。叩別

慈顏。瞬將一月。昨某表哥自家鄉來。欣悉

福躬康健。至爲心慰。男初到此間。滿眼生人。頗以爲苦。同

學數百人。來自各處。言語一節。初覺不甚了了。乃相處

多。日。意。合。情。投。彼。此。已。如。兄。若。弟。雖。在。客。中。不。異。家。庭。
教。員。亦。和。藹。可。親。盡。心。教。授。比。向。日。鄉。校。之。功。課。更。爲。
認。真。男。自。當。朝。夕。奮。勉。以。副。

堂上期望之心。起居一切時加謹慎。諸望

放懷。是所切禱。肅此恭請

金安。

男某某謹稟

月 日

胞伯叔大人前。均此請安。

△稟

母父

言已在校偶病即愈

母父

親大人膝下。敬稟者。月初某某表兄回里。特來視男。適染

小恙。未克寫稟。想

大人詢悉之下。必致

垂注萬分。罪過罪過。其實當日偶冒風寒。無甚緊要。同學
中有堅請服市上風行之人丹者。男憶及在家塾時。讀
論語至季康子饋藥一節。孔子曰。某未達。不敢嘗。故對
於人丹。亦不敢嘗之意。且聞西藥之最靈者。多用嗎
啡。初試頗有奇驗。久服反爲所累。因峻却之。惟用一餓
字訣。隔日卽愈。用亟稟陳。以紓

塵念。專肅敬請

福安。

男某某謹稟

月 日

△稟母 請緩論婚

父母親大人膝下敬稟者昨讀

手諭知欲爲男論婚

親恩高厚無可名言第男年尙輕學業又未成就而家計本不寬裕年來衣食學費無一不仰勞

大人籌措何敢再以室家之事相累况早婚之害識者論之甚詳尤當注意及此革除我鄉不良之習慣男實非醉心自由者再緩數年學業有成可以自立謹當遵從大人之命也肅此恭請

金安

男某某謹稟 月 日

△稟父報告轉入他校

父親大人膝下敬稟者頃誦

諭言益自兢兢男縱不肖斷不敢自暴自棄負此流水年

華一切請紓

慈注男自入某校肄業將近一年雖英文算學略有門徑而國文毫無進步緣該校專重西文於國文本不注意男思身係中國之民則研究國文尤爲緊要若長在該校似乎不甚合宜上月探詢某君據云某學校課程首重國文其餘各科學次之規則極好學費較少因往報名投考幸蒙錄取明日開課擬卽遷入如賜訓示乞寄某地某校不至有誤肅稟敬請

福安

男某某叩稟 月 日

叔伯

△稟叔伯商令弟來同學

父大人尊前。謹稟者。秋初叩別。忽屆隆冬。翹首

雲天。依依孺慕。昨奉

鈞誨。敬諗

福履延庥。諸凡順適。允符私祝。父親營業家鄉。一切均

賴

臂助。想朝夕聚晤。壘篋之樂。定卜無量。惜未能隨侍左右。負罪何似。姪在校研究各科。惟日孜孜。不敢懈怠。以勉

副

殷殷期望之心。及至明歲某弟。倘亦來校就學。則孔懷兄弟。同伴讀書。洵是人生樂事。尚乞

賜示尊意。是禱。天氣沍寒。伏維

珍重。肅此奉稟。恭請

鈞安。

姪某某叩稟

月 日

△弟與兄商令子姪入學

某兄如面。握別以來。又經匝月。離家日遠。夢寐馳思。遙想嚴慈。以次。一是康吉。爲祝。弟今所最系懷者。子姪等。均已屆入學年齡。不宜任其在家嬉戲。况吾

兄店事忙迫。旣難時常管束。而嫂嫂與弟。婦女流之見。

又不免有所寬縱。茲料就近新設之某某初等小學校。目下當可開學。務祈一同送入該校。不可再誤。弟此間校務如恆。身體亦健。望

兄告慰

堂上勿以爲念。至叩至叩。手此敬請

均安。

弟某某謹啓

月 日

△兄致弟言因校務不能侍親之苦衷

某弟如晤。別後踽踽無限相思。近想

侍次安吉。合家和樂。無任祝禱。兄行時正值

母親病體未痊。雖是老年舊恙。必須盡力醫治。切勿輕視。以

致。延。久。弟。因。校。務。羈。絆。在。外。不。克。躬。侍。湯。藥。每。一。念。及。負。罪。實。深。幸。有。吾。

弟。膝。下。承。歡。自。能。體。貼。入。微。偏。勞。而。盡。子。職。也。惟。近。日。母。親。病。狀。何。如。服。何。藥。劑。均。望。

詳。晰。告。知。不。勝。盼。切。之。至。專。泐。卽。詢。

近。佳。

兄某某手書

月

日

△祖諭孫注重國文

某某孫兒知悉。離鄉井。背父母。進學校。原欲求通才之用。乃近人喜新厭故。偏重於外國語言文字。視爲投時之利器。至中文則束之高閣。不屑講求。豈真專學皮毛工夫。以

作黃鬚碧眼兒之奴隸耶。我恐此種流弊較諸知有中文而不知有西文者更甚。反不若僅習我國文字猶可適於實用。願汝萬勿蹈此覆轍。爲要。日來天時忽冷忽熱。務宜慎衛眠食。家中一是照常安善。勿念此論。

月 日祖父諭

△父諭子勉其勤學

吾兒知悉。某日來稟報告近狀安好。詳述一切功課。得有進步。予心較慰。但近今學校之青年無不隨新潮之趨勢而轉移。苟非識力堅定。立志苦修。則一暴十寒。或作或輟。不但金玉其外。敗絮其中。令人齒冷。而且以畢年爲畢業。

畢業。卽於是。是失業。受害更不可勝言。予爲此懼。望汝切勿蹈此覆轍。專心壹志於學術爲要。現在家中。均各安善。汝可勿念此論。月日父諭。

△伯諭姪誠其勿染學生之習氣

某姪如晤。相離數月。惦念日深。吾

姪肄業某校。想當專志學修。駸駸進步。惟恐所慮者。近來學生通病。無不醉心洋化。動言平等自由。甚且盲從邪說。破壞舊禮教。而自命爲革新。豈知能於學問中求平等。而恥居人後。乃真平等。能於法律中求自由。而恐與俗忤。乃真自由。能於功課上事業上。力求推陳出新。而

實收功效。乃真革新。否則拾人唾餘。好自夸大。不爲名教之罪人。卽爲社會之妄人。其結果誠有不堪言者。吾姪當力戒之。爲是并盼課餘寄我音書。以慰懸系。手此順學社。詢。

伯某某氏手書 月 日

△叔寄姪勉其注意手工

某姪如面。昨接

手函。得悉吾

姪在校攻苦。力求上進。無任欣慰。所需手工書籍。已覓購

兩種。託某君帶去。不日當可交到。近來世界趨勢。惟工業爲富國要圖。而手工則爲工業基礎。故手工之盛衰。直與國家有密切之關係。英國洛克。法國盧梭。皆以手工爲急務者。吾

姪母以小技而忽之。是幸。家中安善如常。望勿系念。校中起居隨時慎衛爲要。手此卽問。

近祉。

叔某某氏手具

月

日

△夫致婦囑其代任家庭教育

某某君安覽。別來不覺逾月。遙想

庭闈康吉。

近體多佳。慰如所祝。某此間校務雖繁。尙幸健可耐勞。堪

紓

遠系惟念兒女漸長。家庭教育須

君代負責任。旣不可放任游嬉。聽其自然。致養成不良之
習慣。又不可鞭扑從事。有傷腦海。活潑之神經。務宜寬
嚴得體。以盡母教。於平時。至於弟妹。爲
堂上所鍾愛。倘有言語不謹之處。諒

君明達。當能善體。

親心不致或鬧。閒氣也。書不盡言。順頌

近綏

某某手啓

月 日

△婦致夫問學校職務并告家庭安狀

某某夫子賜鑒。今晨接閱所上

堂上安稟。欣知安抵某校。兼任國文算術兩科教授。聞之甚

爲忭慰。惟念

君體質素弱。倘若職務冗繁。未免致虧心力。况我家生活程度。幸尙較優。不過於教育上。聊盡義務。並非注重金錢者。可比。務望速添教員。分任其勞。是爲至要。日來

堂上照常到號調查。精神康健。

慈大人眠食如恆。叔姑亦均安好。祈勿

掛懷。

堂上命先函覆。日內當再寄諭。并告專此順頌。

近祉。

某某謹上

月

日

△稟外祖告求學將可畢業

外祖父大人尊前。敬稟者。叩別。

堦墀日復一日。伏承

慈暉遠被。

樾蔭光施。回首

重堂。依依如昨。嘗憶外孫兒時。隨母氏歸甯。牽衣嬉戲。於
几杖之前。此樂何極。今則他鄉求學。裘葛頻更。言念前情。
得無惆悵。所幸歷年修業。各科程度。倖列優等。至下學

期完課。當可考試畢業。上慰。

慈。厘。某。表。弟。處。時。常。通。訊。近。今。學。業。精。進。竟。爲。該。校。之。冠。
將。來。扶。搖。直。上。定。當。大。光。我。
外。祖。之。門。庭。也。遠。道。違。侍。惟。乞。
加。餐。珍。衛。以。慰。孺。懷。是。所。盼。禱。專。肅。敬。請。
福。安。

外孫某某謹稟

月 日

△稟舅父言願破產以達求學之目的

舅父大人尊前。敬稟者。離家兩載。孺慕良殷。敬諭。

福履康強。莫名欣慰。昨日某表兄過訪。述甥年來學費甚
鉅。胞兄食指繁多。支持不易。舊有產業。現已抵押若干。

由

長者主張從早分析足見

垂愛之深無如一生同氣止有二人方自恨學業未成不能博得金錢以資臂助何忍再言分析令手足益陷於悲觀甥但願達到求學之目的即破產亦所不恤將來祖遺所有儘可一併歸於胞兄執業以補其虧此心可誓天日決無悔言方

命之愆務祈

鑒宥不盡欲言肅此敬請

崇安

甥某某謹稟

月

日

△稟姑丈言教育家宜破除迷信

姑丈大人尊鑒。敬稟者。久睽

色笑。孺慕殊深。昨讀

賜書。敬悉

康健勝常。至以爲慰。承

示某表弟病狀及服仙方等情。姪意竊不謂然。蓋

長者係教育名家。久爲地方所欽仰。倘或偶涉迷信。社會

更將風從。况求諸泥木偶人。決無起死回生之效力。苟

緣此而反致延誤。豈不追悔之已遲。務希

決定主張。速延細心而有經驗之醫生。爲之治療。則對症

發藥定可立見功效也。區區管見伏希

採納是幸。專肅敬請

崇安。

內姪某某謹稟

月 日

△稟姨父言學生擇校宜慎

姨父大人尊右。敬稟者。甥自叩別

茲顏時深馳戀。昨日奉到

鈞諭。欣悉

旅祺迪吉。

玉體綏和。下懷甚慰。承

詢某表弟投考某校一節。甥意實不敢贊同。該校錄取。雖

可以從寬。然其內容。近於營業。將來恐不免取締。况該校。無法律根據。即幸而畢業。亦不能與合法學校之學生。同等待遇。故某表弟投考之事。不可不慎。加選擇。近聞首都之國立某校。正在招考。不妨往而一試也。肅此奉覆。敬請

福安。

姨甥某某謹稟

月

日

△函請表伯寫寄學校介紹書

表伯大人尊鑒。敬肅者。刻悉

長者現已改膺某校之聘。該校規模宏大。課程完備。為學

界所推稱。想見

教育賢勞

起居健適。至爲忭頌。姪去歲由某校畢業。後患病。月餘。入校之事。耽誤至今。慚恨交并。頃聞某中學尙可插班。惟必有介紹書。方可補請考驗。素知

長者與該校主任某君。交誼甚厚。敢乞

賜給介紹書一通。俾姪得以持赴該校補考。而免曠時廢學。不勝感禱之至。肅此敬懇。恭請

鈞安。

表姪某某謹肅

月

日

△壻稟翁告夫婦在外求學情形

外舅姑大人尊前。敬稟者。叩違。

慈範。忽已月餘。依戀之忱。匪可言喻。恭維

福躬康勝。

潭第均綏。慰如所頌。塔於某日偕同。令媛由舍間登程。

轉搭火車以抵新都。一路甚爲平善。塔現在某某大學。

肄習專門科學。令媛亦已入女子職業學校。據云校

規甚好。課程亦合。寓居已賃定某街第幾號門牌。距離

校地不遠。往返頗爲近便。塔與令媛均託庇安適。請紓

廬念。是所盼禱。肅此敬請

金安。

塔某某謹稟

月 日

△致表兄擬設暑假科學補習會

某某表兄左右。多日未奉

手書。殊深渴念。辰維

動定咸綏。學與日進爲頌。茲因不久。又放暑假。假屆此時。期曠閑多日。殊覺可惜。吾輩青年。必須爭著先鞭。及時競進。不宜藉口休息。而拋棄寶貴之駒光。現擬於校假後。糾合同志。開一科學補習會。研究專門科學。以免無益之舉動。而收有益之功效。刻已得多數同意。簡章亦經擬定。附呈一紙。卽希

督閱。如荷

贊成。務祈簽字示復。是盼。專此順請

近安。

表弟某某謹啓

月 日

△致表弟言在校不可干預外事

某某表弟台覽。音問相睽。又將匝月。比維

起居安吉。學業日精。爲頌。茲聞家鄉因某事發生。各校又

有開會演說。商議對付之行為。兄逃聽之下。甚不謂然。

蓋我人身在學校。自有範圍。豈容輕舉妄動。附和地方

好事之徒。以自討煩惱。况各校莘莘學子。非尋常無意

識者。可比。倘若反對無效。必將轉貽話柄。於一時。吾

弟素係謹飭自愛之士。決不至於盲從。惟兄既有所聞。不

得不代爲過慮也。專此順候。

近綏。

愚表兄某某手啓

月

日

△致襟兄商助內姪學費

某某襟兄左右。久違

光采。恆切馳思。辰維

履祉安和。

潭祺迪吉。慰孚所頌。茲啓者。外家境况困難。素所同悉。近聞某內姪在某校肄業。立志苦學。各科程度均優。而國文成績尤爲該校之冠。惟所需學費難於設法措辦。頗有不繼之虞。日前某嫂來此。商爲代籌。以免半途輟學。弟當已承認與。

兄。各。任。其。半。想。誼。關。至。戚。
眷。願。逾。恆。定。當。樂。爲。扶。助。俾。能。學。成。自。立。得。繼。內。黨。之。家。

聲。務。希

金。諾。并。卽

賜。復。以。便。函。知。某。嫂。使。可。安。心。至。禱。至。盼。專。布。卽。請

儷。安。

姻。愚。弟。某某。謹。啓

月 日

△△學務概要類

△函詢簿記學之適用教授本

某某先生閣下。經旬未悟。想

起居住適爲慰。茲因敝校擬於算術時間內分出一小時。專授簿記。一方面爲日用之預習。一方面卽爲謀生之基礎。實用重於理論。俾與社會需要可直接相應而收其效力。惟此項課程。雖已擬定增加。而簿記學之教授。本未知採取何種爲適宜。因思執事殫見洽聞。素所欽仰。尙祈不吝賜教。以便購用。是荷。專此敬請台安。

某某謹啓

月

日

△覆言學校制服之必要

某某先生台鑒。昨奉

手教承

詢學校制服。其關係實爲重要。蓋禮儀所範筋骸之束。必嚴瞻視。欲尊衣冠之儀。必正矧乎學校爲社會所觀摩。形式爲精神所託。寄此而不講。則習慣放弛。矩範蕩然。又如校內管理。校外稽查。不有服色。何從鑒別。凡此種種。均爲切要之問題。負有管理學校責任者。誠不可視爲具文。

貴校現既亟須製用。可託由某廠包辦。較爲快便也。專此奉覆。敬頌

教祺。

某某謹啓

月

日

△函論教育經費宜除侵蝕虛耗之弊

某某先生閣下。頃奉

惠函。

詳示教育經費之困難。自係實在情形。第我鄉自黨國革新以來。日言寬籌教育經費。而教育經費卒未見寬裕。其弊端所在。一則由於侵蝕。凡教育項下之收入。經手者把持一切。不能滴滴歸源。從中之剝削。已不可究詰。一則由於虛耗。教育經費以教員薪水爲主要。其他可以節省者。不節省。必致正當開銷。常有不敷之虞。上列兩弊。苟不覈實革除。卽取地方民衆之財產。盡量以供。

給吾恐教育經費仍無寬足之日也專此奉復敬頌

台祺。

某某謹啓

月

日

△函商農村學校之實習辦法

某某先生大鑒。逕啓者。敝校依照農學規則教授。一時苦無實習之地。按課程而進行。因思

執事主持之農事試驗場。與敝校相近。擬於每日午後二時間。率同學生到場實習。務祈

貴處屆時招待。並懇

場員詳加指導。以期栽培繁育之良法。推及於青年種植。畜牧之新知。灌輸於遐邇。幸甚幸甚。事關公誼。卽希

督裁見復是盼。專此敬頌。

台祺。

某某謹啓

月

日

△函述澈查學校基金之奮鬪主張

某某先生惠鑒。敬啓者。接奉某日

賜函。祇悉。豈是。敝校澈查基金之奮鬪。並非好爲己甚者。吾人肄業學校。所爲求學。苟非萬不得已。原不欲出位發言。以自荒學業。而召社會之誹議。然身爲本校學生。觀此吞沒基金之怪狀。迫於良心。雖欲置身事外。而不可得。正義所在。應無反顧。但求有利於學校。有利於國家。任何犧牲。在所不恤。

執事爲當世賢豪。尙祈

仗義執言。作敝校之援助。無任禱幸。專此敬頌

台祉。

某某謹啓

月

日

△函商圖書館搜集本地藝文之辦法

某某先生賜答。日前走訪

台端。適值

公出。未獲晤談。甚爲悵惘。茲啓者。我邑圖書館除採購中
外圖籍外。對於本地人士之著述。若不設法搜集。則缺
點殊多。蓋地方上之山川形勝。民俗物產。載於鄉土藝
文者。恆詳不第。先民言行故蹟。留遺足資考證。而且來

館閱覽者直接以動其愛鄉土之心。即間接以動其愛國家之觀念。於社會教育極有裨益。不得視爲緩圖。某對於此事。現雖著手辦理。惟疏忽之處。在所不免。執事倘有高見。務希

賜我教言。以資臂助。至爲幸感。專此敬請
道安。

某某謹啓

某 日

△函述審查函授學校之意見

某某先生大鑒。展誦

賜書。始悉某種函授學校。冒列

台篆。現已查實聲明。足見近今一般函授學校。雖有優劣

之不同。教部當取干涉主義。對於函授講義內容之如何。函授教員程度之如何。是否有益於學生。皆須一一嚴格的審查。若借名招搖。欺詐學生者。當從嚴取締。勿令此取便私人。研學之資。一變而爲取便私人牟利之業。茲事雖小。關係甚大。蓋教育之魔障。不除。則教育之眞精神。日晦。其流弊。且不可勝言也。質之高明。以爲然否。此上卽頌。

台社。

某某謹啓

月

日

△覆言國家不實用留學生之非計

某某仁兄閣下。昨奉

台教始知 貴友某君留學歸國至今尙賦閒居聞之不
勝感歎夫國家耗無數金錢以造人才乃造成之後不
就其所學以爲國家辦事雖年年派學生出洋人人皆
入院廠畢業又何益於國家故某對於歸國學生雖不
必盡望其趨於做官之一途而長此以往一任歸國留
學生自爲其生活之奔走終非國家之福也承
囑代謀位置某當竭力圖之以報

台命專此敬頌

近祺

某某謹啓

月 日

△函告黨義課程之大要

某某同學兄台鑒。頃接

手函。敬悉。壹是承

詢黨義課程。其大要列爲六項。一、目標。二、作業要項。三、時間分配。四、教材大綱。五、教學法要點。六、畢業最低限度標準。此六項之下。再分列各條。頭緒雖覺繁複。而概括言之。不外使高級小學明瞭中國國民黨民族主義。各校教員就此課程實行工作。祇須認定民族兩字。廣爲推演。竭力運動。不難順序進化。而具有成績也。手此卽

頌

台祉。

某某謹啓

月

日

△答論徵集小學成績之意旨

某某先生大鑒。辱承

函催敝校速集各種成績。延遲之咎。殊覺難辭。雖然。教育事業。貴在實際。一時間之成績。徵集與考核。究祇能得其表面之狀況。而平日學生所受於學校之實情。要難就此區區而概見。且辦學一途。其性質爲改進社會之源泉。而責任所在。必須地方有財力。有學識者。相與提攜。視學生如子弟。認真造就。則其實際之收效。當較偶爾之考獎成績爲愈也。

執事於教育上。素有卓見。想當不河漢斯言。此復敬頌

台社。

△函請提倡職業教育

某某先生閣下。疏候

台教。抱歉殊深。比維

福履增綏。爲頌無量。茲啓者。敝校擬於本月某日。開一職業教育討論大會。研究此項問題。一方面擬設法振起兒童作業之精神。日施以積極之訓練。一方面擬就地。方之需要。分門別類。特設相當之職業教科。以養成其他日從事職業之能力。務期學校生活與社會生活。日相接。近。俾在校時爲生徒。離校時卽能爲獨立之國民。

某某謹啓

月 日

倫本此主義而實行見效未始非地方之幸福也素仰
執事爲各界所推重尙祈

鼎力贊成以資提倡屆時并乞

台駕賁臨惠賜教益至爲幸感專此敬請
大安。

某某謹啓

月 日

△函請調查放棄責任之教員

某某先生左右日前趨談備聆

教益欣快無任乃刻聞教育界竟有日謀較優位置放棄
其責任而毫無顧慮者夫我人既受有職業必須有責
任心無責任心則必敗凡事皆然惟教育爲尤甚蓋世

界。無。論。何。事。莫。非。由。人。之。智。識。心。力。所。造。成。而。教。育。家。
即。所。以。製。造。此。人。之。智。識。心。力。者。他。事。誤。尚。有。挽。回。改。
良。之。方。術。教。育。誤。斯。謬。種。相。傳。永。無。改。良。之。希。望。明。乎。
此。則。有。教。育。之。責。者。當。如。何。懍。懍。戒。慎。勤。勞。加。勉。視。其。
職。務。爲。第。二。生。命。以。期。勿。自。誤。以。誤。人。也。今。我。鄉。教。育。
界。乃。有。如。某。所。述。之。怪。現。狀。者。諒。

執事亦有所聞。尙希調查而整頓之是幸。此上祇頌

台社。

某某謹啓

月

日

△函言學校衛生診所之設施

某某先生大鑒曩晤

台教並查悉

貴校學生患砂眼者占四分之一。於衛生上亟應補救。顧此種砂眼之患。分爲輕重兩症。尤以輕症爲多。每患之而不自覺者。比比皆是。今無論其輕症重症。治療頗費時日。尤非有相當經濟。不辦。故敝診療所對於輕症砂眼。採單純而和緩之治法。卽無醫生知識者。亦可按法施行。不但患者不覺痛苦。而治療亦極便利。動望貴校努力合作施行。強迫治療。則此患庶可減少。附上診療所實施計劃一函。惟希

台督爲荷。專此卽頌

日祺。

某某謹啓

月

日

△與友言學校須注重課餘之游藝

某某仁兄台鑒。日前趨視

貴校內容優美。至爲欽佩。惟課餘游藝付之缺如。未免仍有遺憾。凡善教育者。對於正當之課程。固應研求。而對於課程外之游藝。尤當加意。蓋以人之好動。天性使然。兒童於正課之外。心力有餘。必求活動。苟無適當消耗之方法。勢必任情發洩。遺害實大有遊藝之事。以利用之。則一方救濟其偏向一方。調攝其精神。乃真教育上最適切之方法也。尙祈

執事注意及之是幸。專此順頌

教祉。

某某敬啓

月

日

△答言軍國民教育之主旨

某某學兄台鑒。頃讀

手書。對於軍國民教育施行之疑點。未免誤會太甚。蓋所謂實行軍國民教育者。不過使大中小學校。皆以軍事教育爲之系統。並非將社會應有之主義。拋而不顧。學生必須之知識。棄而不講耳。我人正當與帝國主義者。奮鬪之時。端賴軍事教育爲之基礎。而一般學校中。教授管理訓練。皆必循此主旨。以作其志氣。鍊其體格。示

其方針使知軍人學生是一非二無事則爲學生一旦有事均能執干戈以衛社稷固非徒以愛國兩字教學生者迂疏而無濟於實用也專此奉復卽頌

文社。

某某謹啓

月 日

△與友論幼稚園之利益

某某仁兄閣下。遠違

大教。時切馳思。辰維

履候安和。至爲頌慰。日前某君來此。述及

執事創辦幼稚園情形。聞之不勝欣佩。近來教育家。莫不以家庭教育爲幼童必經之階級。然有因溺愛而仍然

放。任。者。有。自。身。智。識。淺。薄。而。無。方。術。以。處。之。者。若。得。幼。穉。園。以。代。家。庭。之。教。育。雖。唱。歌。踏。舞。及。種。種。遊。戲。方。法。必。納。諸。範。圍。以。養。成。良。善。之。習。慣。使。一。般。兒。童。未。及。入。學。之。年。齡。已。具。入。學。之。資。格。將。來。送。校。肄。業。遂。覺。事。半。而。功。倍。其。利。益。實。非。淺。鮮。現。在。該。園。之。措。置。如。何。各。女。教。員。是。否。聘。任。務。希。便。中。

賜。示。以。當。面。談。專。此。卽。請。

台。安。

某某謹啓

月

日

△函索學校文化出版品

某某先生閣下久疏

雅教。惟

道履嘉勝。至爲頌慰。茲啓者。近年來。中西文化接觸日多。我國國際地位漸呈起色。而外人之研究中國問題者。亦逐漸增加。惜參考資料不多。且有輾轉。遂譯以訛傳訛。故對我國情形。尙無澈底之了解。敝處爲溝通中法兩國文化起見。特徵求中國各地刊物。不拘種類。擇尤介紹。赴法。惟獨力難成。衆擎易舉。祈將貴校定期出版品。自第一卷第一期起。各按期擲下一份。以資轉寄爲荷。事關宣傳文化。想貴校定當樂爲贊助也。專此敬請

台安。

某某謹啓

月

日

△函告出洋留學情形

某某學兄閣下。匆匆分袂。遂隔天涯。去國懷鄉。能無悵悵。比維

潭庭嘉泰。

興履安佳。慰如遠祝。某與某君航海西行。一路風浪平靜。於某月某日行抵美國某省。蒙同學招待。甚爲周妥。現入某某大學肄業。校章極其完備。寄宿舍距校不遠。飲食起居亦均適宜。雖來茲未久。時覺一種文化氣象。灌輸腦筋。還念祖國。號稱共和。一經比例。乃大有上下床。

之別所可較慰者。彼都人士對於我國現行之三民主義。頗表同情於國際。可益增親誼也。某求學此邦。本係素志。惟緬溯

知音。輒動離索之感。尙希

時賜教言。以慰遠系。是所至盼。專此敬請

文安。

某某謹啓

月

日

△與友言求學宜定宗旨

某某仁兄閣下。別來數月。如隔三秋。眷念

起居。馳思曷已。比想

研求學術。進步駸駸爲頌。茲因某君某某來函。又擬改入

他校某意殊不贊同。現在新都學校林立。任人所投。本無一定界限。惟求學者須有一定宗旨。就所學科。盡其心力。務必達到目的。而受享實用於終身。若因旁人議論。隨時變遷。不但前茲修業廢於半途。而且胸無主持。趨向不一。將來學問恐無歸宿之時。某不便直揭其非。尚祈

閣下就近婉勸。毋再游移。以盡他山攻錯之誼。是所切禱。專此卽請

近安。

某某謹啓

月 日

△函商聯合運動會之辦法

某某先生閣下。久未奉

教。企念良殷。比維

起居暢適。

著述清嘉。爲頌爲慰。茲因此間各校。舉行聯合運動會。公
推敝校主持其事。一切預備佈置。雖已粗有頭緒。惟茲
事體大苟。組織不甚完備。非但有礙臨時之秩序。且恐
致見笑於來賓。因思

閣下對於此事。素有經驗。特將辦法另紙抄呈。務乞
指示缺點。從速

賜復。俾有遵循。而免貽誚。至爲感荷。專此敬請

台安。

某某謹啓

月 日

△函贊運動大會之奏凱

某某仁兄惠鑒。上月有事來蘇。滿擬暢談。藉紓積愆。不意適

值吾

兄已赴新都。不及面晤。至以爲悵。昨閱報紙。欣悉此次運動大會之錦標。竟爲

兄及貴校諸君所得。可喜可賀。雖然體育專家固應擅有勝技。吾

兄素以文學冠儕輩。今復以各種運動蜚譽於一時。允文允武。尤足令人稱異。倘奏凱之餘。撰有筆記。尙祈

惠賜一覽爲幸。專此敬頌

台祉。

某某謹啓

月

日

△△學界交際類

△奉候游學新別

某某仁兄閣下。昨接

惠書。讀悉。壹是敬諭

旅祺多吉。

履祉增綏。景跂

鵬程。無任雀抃。某年幼時期。嘗聞鄉父老之論學。動言黨

庠里塾中。苟能立志潛修。亦可爲通儒碩彥。何外國科
學之足云。不知世界大勢所趨。良有莫之致而致者。故
歐風東漸。後之學說。誠非閉關自守。時代所能夢見。若
不游覽先進各邦。兼收並蓄。實無以免井蛙之譏。今
閣下乘時邁往。先著祖鞭。曷勝健羨。惟是索離之感。不能
驟忘耳。彼都

食息起居。諒皆佳勝。尙祈

時常通訊。以當筆談。是所禱盼。專泐奉候。敬請
旅安。

某某謹上 月 日

△奉候留學新歸

某某仁兄閣下。自睽

芝度。夢轂時縈。昨讀

惠書。敬悉

台旌已於月初安旋祖國。

百凡佳勝。深慰馳思。弟伏處一隅。自慚孤陋。讀史至張博望。出使西域。歎爲得未曾有。今

閣下游學歐美。足跡幾徧全球。可知眼界之新。胸襟之闊。大有非古人所能及者。本擬來前領

教。深恐舟車勞頓。致擾

清神。容日再當走謁也。先此奉候。卽頌

台祺。

某某謹啓

月

日

△請友人歸里辦學

某某仁兄惠鑒。日前某君來晤。詢悉

台候佳勝。甚以爲慰。茲因吾邑某種學校之設。有名無實。半由經費之無的歟。半由辦理之未得人。現擬改絃而更張之。歟。已有著。惟恐再蹈覆轍。則無人信仰。以後更難言籌集。且慮繼續進行。非得素孚鄉望者。負責不足以堅衆志。而洽輿情。因思吾

兄辦學有年。歷著成效。學界莫不欽遲。務乞台旌旋里。主持一切。駕輕車而就熟路。以慰故鄉父老之

心○至○禱○至○盼○專○此○奉○懇○敬○請

旅安。

某某謹啓

月

日

△請任國文教授

某某先生閣下。自別

光儀。恆殷企系。敬維

履祺集吉。

文社多佳。定如鄙頌。茲啓者。近頃學子。醉心洋化。大多數
注。重。於。愛。皮。西。提。而。數。千。年。流。傳。之。國。粹。反。不。惜。視。如
敝。屣。遂。致。文。字。荒。謬。欲。令。作。一。普。通。簡。札。而。不。能。識。者
羞。之。敝。校。原。以。國。文。爲。根。本。以。西。學。爲。枝。葉。體。用。雖。云

兼備然非有循循善誘者必難見有成效夙欽

閣下國學鴻博望重當時所有國文一門敢乞

熱心主任以資進行如荷

俯俞則空山桃李庶同處於

春風時雨之中感幸匪可言喻瞬屆開學時期是否務祈

賜覆是盼專此祇請

教安

某某謹啓 月 日

△請任西文教授

某某先生閣下久違

眉宇恆切心歲比維

履候勝常。定如臆頌。敝校西文一席。自某君辭職後。延未得人。適聞。

文飾榮旋。當託某君轉達鄙意。猥蒙。

不棄。已荷。

垂俞感佩之私。名言莫罄。茲特謹附正式聘書一函。至祈。

譽存。何日。

駕臨。乞卽。

賜示爲盼。專此敬請。

台安。

某某謹啓

月

日

△請任算術教授

某某先生閣下久睽

芝字。良切。葭思。辰維。

履祉咸宜。爲頌無量。弟自慚譴陋。乏善可陳。惟緣校務紛繁。未獲時修音候。素承

知己當荷。

鑒原。敝校。算術教授一席。本係某君主任。現以別有他就。亟須另延教員。日昨舍親來信述及。

執事。關顧情深。

允爲擔任五中篆感無可名言。茲特寄呈聘書一函。敬乞賜納爲荷。敝校擬於某日開課。務祈

文駕早臨。是所至禱。專此卽請

台安。

某某謹啓

月

日

△託薦學校職務

某某先閣生下。昨謁

台階。適逢

公出。未聆

雅誨。悵何如之比。維

履祉綏和。

文祺。適允如下頌。某自中學畢業後。本擬再求進步。肄

習專科。祇以家貧親老。不得不營謀。枝寄以博菽水之

歡前在某處小學擔任教務一年。幸未貽濫竽之譏。奈因遠客他鄉。眷念庭闈。不免白雲悵望。是以辭職而歸。現聞某處高級小學尚缺某科教員一席。該校校長某君與

閣下交稱莫逆。用特修函布意。仰乞推薦如蒙。

玉成俾得於課餘之暇侍奉晨昏。則閣下之所賜宏矣。肅此奉懇敬請

台安并希

賜覆。

某某謹上
月 日

△推薦學校會計

某某仁兄閣下。握別以來。瞬經匝月。敬維

潭祺納祐。

文祉延庥。既頌且慰。茲啓者。頃聞

貴校會計某君。因事辭退。繼任尙無其人。弟有同學某君。簿記之學。夙所諳練。曾在某校擔任會計。有年。嗣因校長易人。渠亦隨同罷去。茲以賦閑已久。亟須謀借一枝。

用敢推薦

尊處。惟希

引而進之。其人品行。弟所素知。倘蒙

錄用。應需保證。擬卽由弟任之。日內并祈
賜覆。是盼。專此祇請
台安。

某某謹啓

月 日

△介紹教員

某某先生閣下。睽違

雅教。時切馳思。辰維

道履。沖和爲頌。前以

貴校英文教員。尙未延請得人。屬爲訪聘。某意中一時無
人。未敢妄爲推薦。今有友人某君某某。係某處人。曾在
某校畢業。於英文。英語。極有考求。其人年學均富。國文。

程。度。亦。高。如。以。擔。任。

貴。校。英。文。教。員。實。堪。勝。任。茲。有。新。著。漢。英。文。互。譯。論。說。數。篇。某。昨。借。閱。用。特。附。呈。

督。核。如。果。合。格。即。祈。

示。復。以。便。代。為。延。訂。專。此。奉。布。即。請。

台。安。

某某謹啓

月 日

△介紹友人入教育會

某某先生閣下。久未趨談。思與時并近維。

動。定。咸。宜。為。頌。茲。有。敝。友。某。君。某。某。由。某。處。某。校。學。成。歸。里。擬。在。社。會。教。育。上。略。盡。義。務。并。志。願。入。會。相。與。研。究。

一切以爲贊助。進行之地步。其人英年績學。植品端方。實爲近今所罕見。他日晤敘。當知某言之不虛。用特代爲介紹。藉副

延攬之盛意。某日開會。如荷

允許列席。感幸同深。專此卽請

道安。

某某謹啓

月 日

△介紹友人參觀學校

某某先生閣下。久違

教益。延跂良殷。辰維

道履增綏。爲頌無量。某庸陋如恆。乏佳可述。茲因鄉友某

君等由本邑教育會委任。來此參觀學校。以備取法而改良。夙慕。

貴校規模美備。名實相孚。亟欲趨謁。

台端藉聆。

雅教敢以一言爲介。尙乞。

矚。睞。有。加。屆。時。參。觀。并。祈。

推。愛。指。導。感。激。同。深。專。此。先。容。敬。請。

講安。

某某謹啓

月

日

△介紹學生來校并作保證人

某某先生大鑒。日昨辱承

手教知

貴校招考發表。弟友某君之弟某某姪某某均蒙錄取。并荷

囑令該兩生剋日到校。至爲紉感。茲該兩生卽定於明日就道。當乞介紹書數行。臨時持以進謁。至校章例須保證。擬卽由弟任之。此後該兩生追隨

左右尙祈

推愛關垂

賜加訓誨尤爲禱幸專此卽頌

台祺。

某某謹啓

月 日

△託友爲弟姪介紹入校

某某學兄台鑒。日前候

教未晤。悵念實深。比維

履祉勝常爲頌。茲啓者。弟因校事忙促。返舍祇留三日。卽

行就道。昨得家書。知

舍弟某某姪某某

前在某校投考。均已錄取。

惟至入校之時。必須倩熟人導引。始慰鄙懷。緣此特乞俯賜介紹。俾得遵循。有自。以免年幼。隕越之虞。今特函囑。

舍弟

姪趨謁

台端。面陳進校日期。尙祈

惠賜教誨。至爲禱感。有費

清神容當晤謝專此懇託敬請

大安。

某某謹啓

月 日

△勸守校規

某某學兄惠鑒。睽晤多時。倍切馳系。近想

興居多祐。時學與進。爲祝。昨聞

貴校因飲食細微之事。與會計衝突。竟至激成罷課。要求

校長更換職員。報紙喧傳。風潮甚烈。吾

兄。既爲班長。當有持平守正之言。勸勉同學。遵守規範。勿

任決裂。否則。迹近要挾。殊於學生之資格。有虧。且有謂

吾。

兄揚其波而助其瀾者竊爲不取也。叨訂蘭交，不辭忠告，芻蕘之言，尙希

采納爲幸。專此卽請

台安。

某某謹啓

月 日

△勸友力學

某某仁兄閣下。別來多日。系念良殷。比維

動定安和。如頌爲慰。弟馬齒徒長。進步毫無。雖經某校畢業。平日童心未改。告假常多。科學內容大都掠影浮光。不求甚解。迄今腹中寒儉。輒覺汗顏。欲謀補習以彌缺憾。而寶貴光陰已逝。不可復足。見入校肄業。非騙得一

紙文憑即可塞責也。吾

兄英年勵學至深。顯羨尙希。以弟爲前車之鑒。毋荒歲月。努力前修。忠告之言。惟乞垂。督。專此布意。不盡依馳。敬請

近安。

某某謹啓

月 日

△託同學檢寄存物

某某同學兄惠鑒。昨接

手書。敬悉。一是弟告假返舍。本擬一星期卽行到校。無奈適因母病。不得不隨侍左右。迄今屢請續假。瞬將月餘。而家母病仍未減。萬難遠離。至於要課拋荒。分數

多。缺。雖。心。焦。亦。無。可。如。何。現。屆。歲。闌。想。已。不。能。來。校。所
有。弟。之。衣。箱。書。籍。及。雜。物。等。擬。乞。吾

兄。課。餘。代。為。檢。理。并。祈

飭。送。某。君。某。某。處。遇。便。帶。舍。忝。在

愛。末。瑣。瑣。瀆。懇。諒。蒙

曲。原。手。此。奉。託。敬。頌

台。祉。

某某謹啓

月

日

△託同學續請病假

某某學兄台鑒。昨奉

惠書辱承

垂注感甚。其時適醫者來。是以未卽裁答。當爲
知己者所諒。恙賤近雖漸痊。然元氣未復。動輒浮汗。若不
靜心調養。恐病根未易盡除。惟假期已滿。爲此再乞吾
兄代告病情。續假一月。屢瀆。

清神抱歉之至。容俟來校面謝。扶枕腕弱。草草布覆。卽頌
學祺。

某某謹啓 日 日

△代友報告來校

某某先生鈞鑒。敬肅者。昨奉

手諭。敬悉開學有期。受業定於某日來校。不致愆期。茲有
同里某某等。皆以得列

師門爲幸。先屬報名。并當偕同投考。附上名單一紙。敬乞
檢存。某某等嚮學甚殷。倘蒙

俯鑒其誠。加以錄取。得俾咸遂志願。親荷

甄陶。則受業亦感荷同深。肅敬請

崇安。

受業某某肅上

月

日

△請病假

某某先生鈞鑒。受業省親回里。本祇請假三日。乃因塗中遇

雨。感冒風寒。到家後卽覺身熱頭痛。諸病叢生。當經延

醫診治。據云伏病已深。一時不能速愈。似此情形。敢請

先生給假一月。俾得從容調治。以冀早日痊愈。一俟病除。

即當趨前銷假。決不久延。肅函上陳。伏乞

鑒核。恭請

鈞安。

受業某某叩上

月 日

△約同赴校

某某仁兄惠鑒。昨晤某君某某。述及吾

兄日內赴滬。仍入原校肄業。弟念我鄉學校。學科既不完備。而教授管理諸端。又不得法。決意偕

兄到滬。即在

貴校報名投考。插班肄習。商之家母。已得允許。且喜吾兄品學俱佳。又係世誼。一切可以領

教。因此特。命具函奉商。如蒙

不棄。即乞

覆示行期。以便預備束裝。趨候同行也。專此奉詢。順頌

台祺。

某某謹啓

月 日

△約校假伴同歸里

某某仁兄大鑒。頃奉

手翰。欣悉

貴校榜已揭曉。吾

兄名列第二。足見進步之速。特邁等倫。聞之不勝羨佩。弟

校大考。今日可以竣事。大約兩三日內。即須放假。弟之

行裝及應書用籍。現已預備整齊。一俟假期發表。便與
兄伴同返里。尙祈。

展。緩。行。期。俾。途。中。互。相。照。應。且。不。致。旅。行。寂。寞。也。手。此。卽

頌

台社。

某某謹啓

月 日

△邀赴歡迎會

某某仁兄足下。相距咫尺。乃以校事羈身。不克時常晤談。良

深悵念。近想

台候勝常。爲頌且慰。茲啓者。某某先生。爲我國教育大家。
當世泰斗。所到之處。社會無不推崇。今因事道經此間。

學界同人發起歡迎大會。以表仰止之忱。會場設於公園。會期定於明日午後一時。聞某先生屆時演說實用教育之最新學理。以飭衆聞。務祈吾

兄邀同某君。於明日飯後

過我。偕往會場。一行是盼。專此奉約。即請

台安。

某某謹啓

月

日

△約友參觀學校

某某仁兄閣下。多日未親

塵教。渴想奚如。比維

履候增綏。至爲忻頌。昨晤某君。談及我鄉教育退化之原

因實由教育界見聞不廣所組各校未臻完備故形式上雖覺可取究無優異成績之足觀并據云欲爲改良計必赴某處參觀某某等校實地調查以爲取法之資弟甚以其說爲然今已決定前往查視不再遷延吾兄亦久有此志如能

偕行則互相討論獲益更多倘荷

贊同卽祈

示定行期弟當束裝待發也專此順請

近安并盼

惠復

某某謹啓

月 日

△邀請聯合體操

某某先生大鑒。違

教兼旬。想

文祺增吉爲慰。茲因敝校體操一科。現雖加意教練。然非
聯合鄰校。互相比較。似不足以暢發興趣。而振奮精神。
夙仰

貴校體育完全。自必成效卓著。特擬於下星期日。集合兩
校學生。共爲體操游戲。藉競爭以促進步。敝校操場地
方廣大。較爲適用。務請

貴校學生於上午八時。聯隊下臨爲幸。惟希

俯俞并盼

玉復專此奉訂敬請

台安

某某謹啓
月 日

△約觀成績展覽會

某某仁兄閣下不親

莫采已三星期近想

動定增綏爲頌且慰弟杜門謝客把卷孤吟離索之懷殊
難言喻茲聞某校於某日開成績展覽會布置一切繁
費經營據云該校此次優美之內容較上年更多特色
弟擬前往觀玩藉暢胸襟吾

兄如有同情。祈於某日八時過我。以便攜手同行。而藉聆教益。屆時。踴俟。

登音。幸勿見却。爲禱。專此奉約。順請

台安。

某某謹啓

月

日

△邀約同學旅行

某某吾兄閣下。假後未挹

芝輝。良殷系念。比想

起居住適。忻慰無任。日昨某君某某過我。縱談至爲爽快。

并擬結合同志數人旅行。某處往返。祇須三日。所費無

多。頗足以開拓胸襟。而歷練身體。吾

兄素喜遊覽。諒表同情。用特奉約。

台駕於某日七時。即希

實臨弟處。以便齊集偕行。幸勿遲誤爲盼。專此奉約。即請
近安。

某某謹啓

月 日

△懇改旅行日記

某某夫子尊鑒。久違

絳帳。企慕良殷。敬維

道履康疆。

潭庭安泰。至以爲頌。受業於今夏放假後。偕友作長途之
旅行。所有名勝古蹟。皆足開拓胸襟。而增長閱歷。曾在

某處小住數日。復作某山之遊。蹤蹟所經。日有紀錄。積成旅行日記一帙。謹卽錄稿寄呈。伏乞

大加斧正。是所感幸。倘蒙

俯賜弁言。以光卷帙。尤深忻盼。想亦吾師所樂許也。肅肅敬請

崇安。

受業某某謹上

月

日

△乞書習字範本

某某仁兄閣下。久違

雅教。想

履祉日增。爲慰。茲啓者。竊以聖功之養。端在童年。擬求養

書名家擇古人格言中富於進取精神而又關切舊道
德者錄成數十幅付諸影印廣播學堂俾臨池者得於
摹仿之餘兼以策勵身心實是一舉而備兩善夙仰
閣下精研八法一時推稱務祈

慨允所請。

惠書一幅以便合成完璧而爲學子進修之助無任幸感。
專此奉懇敬謂

近安。佇候

賜覆。

某某謹啓

月 日

△乞寄學校全體攝影

某某同學兄閣下自違

叔度。馳企殊殷。比維

台候增勝。爲頌無量。弟暑假歸後。本擬補習學科。乃爲瑣務。擾牽頗以不能如願。爲恨。想吾

兄分陰。是惜此時。自修之進。益日增。當更有令弟。望塵弗及者。企羨何如。前茲本校全體攝影。現當如數取到。弟應得一帙。乞

攜交某某處寄下。以資瞻對。暇時并祈賜教。俾慰離懷。爲盼。專此卽請

台安。

某某謹啓

月

日

△貸款買書

某某仁兄閣下。連朝風雨。頗念

伊人。祇以道路泥濘。大有咫尺山河之感。比維

學修日進。

動定咸綏。爲頌。弟日來修業如恆。惟自恨天資。樵魯終無
心得之處。可語。

知己吾

兄得毋笑其故步。自封。否。滋以目下需用之書籍數種。不
能再行延緩。而經濟缺乏。家中又未有款寄來。不得已
商諸台端。乞卽

惠假銀圓若干元。以備付書價之一俟舍間寄款到時。隨當如數歸償。可否務祈賜復爲盼。手此奉懇。敬請

台安。

某某謹啓

月 日

△借參攷書

某某仁兄惠鑒。前日趨聆

塵教。曠若發蒙。

卓識名言。一時無兩。欽佩莫名。茲因敝校某科教授。書其中引用事實。均係節采。必須原書參攷。始能詳悉。其根

由曩見

尊處曾有某種原書一部。倘可暫時

惠借。以便擇要參稽。獲

益當非淺渺。如蒙

示允。明日便着人來取也。手此順請

文安。

某某謹啓

月 日

△借字帖

某某仁兄閣下。不奉

教言。又逾半月。惟

進道不息。爲頌。弟日來枯坐無俚。偶爾塗鴉。比較早年所
書。大有今不如昔之感。因思近頃學校中人趨重西文。

幾不知入法爲何事。致令我國國粹日就湮淪。此誠有心人所當引爲隱憂者。弟本非善書。深自引媿。知鄴架中藏有法帖多種。敢祈惠借一二部。以資摹仿。如蒙許可。並乞

檢交便人帶下。爲感。專此卽請

台安。

某某謹啓

月

日

△索還書籍

某某仁兄閣下。久間趨談。思隨時積。近想

起居多吉。

撰述日新。至爲頌仰。前
儼去某種書籍。當必

瀏覽已竟。且喜。

巨眼卓識。定有創獲之精言。足以

賜教蒙鄙者。茲因友人亟欲一觀此書。弟不便於諉推。乞

卽

檢交去手。日內倘或有暇。尙希

枉顧一敘爲幸。此專順請

文安。

某某謹啓

月

日

△歸還書籍

某某仁兄閣下。頃奉

手緘如親

眉宇藉諗

道履佳勝。爲忭無量。前蒙

賜假新書兩種。窮日夜之力。涉獵一過。得以粗窺涯略。已

幸獲益良多。茲承

台命歸趙。當卽檢理原書。遣價送還。至祈

警入稽遲之咎。尙乞

鑒原。專此敬請

近安。

某某謹啓

月

日

現代分類尺牘大全

△△商界

△△商人家庭類 附親戚

△孫稟祖報告營業情形

祖父大人尊前敬稟者。月之某日接奉

慈諭。欣知

福躬康健。眠餐咸宜。母親及弟妹均好。地方亦安靜如恆。甚慰孺慕。此間自北伐成功以後。銀根仍然吃緊。幸我處資本較厚。信用素昭。金融不虞匱乏。且號中貨色全備。門市生意頗覺接應不暇。預料今年餘利仍可與

去歲相等。父親近頗安適。昨因某君邀往某埠。調處某事。日內當可回轉。一切望勿

垂念。

囑購某種補品。擬由某表弟月初回里帶奉。決不延誤。肅此叩稟。恭請

福安。

孫男某某謹啓

月 日

△稟_父報告學業情形

親大人膝下。敬稟者。日昨某表叔來此。詢知

福體康強。弟妹安吉。甚慰下懷。男一切平善如恆。望勿

遠念。現蒙店中某經理。派男幫理賬務。益當恪遵。

訓諭。謹慎。辦事。倘有。餘暇。仍自。研究。簿記。尺牘。以求。商業。學。術。之。進。步。對。於。一。切。時。髦。習。氣。不。敢。稍。染。頗。爲。經。理。所。贊。稱。今。年。本。店。門。市。生。意。比。去。歲。更。勝。將。來。男。派。花。紅。當。可。較。得。多。數。想。

二親聞之亦爲喜慰也。餘容續稟敬請

金安。

男某某叩稟

月 日

△子稟父告已就商店職務

父親大人膝下。敬稟者。男於某日到新都。往謁某世伯。極蒙優待。并云伊本號司賬某君。現須調往他處。接辦此職。尙未得人。詢男如果允就。便須正式訂約。以昭鄭重。男

思某世伯係近今商界之巨子得伊提攜且可時資教益當經面允承任惟商業通例必須保證伊雖未提及究不能不先爲預備此事還乞

大人商託殷實商界某公具一保函逕寄彼號以免周折至男所任職務關係極鉅彼既信託自當格外謹慎不敢稍有差池一切請紓塵念是禱肅此稟陳敬請

福安

男某某謹稟

月 日

△子稟母告進店安好

母親大人膝下敬稟者叩別

慈顏良深孺慕近想

福躬康健允如所祝男於某日安抵申江暫寓某某旅館
翌日往晤某君即由其介紹進某某號任事該號資本
豐厚生意頗稱發達經理某君對男甚爲優待同事諸
人相處數日亦覺情誼相投將來所得之薪水家中雖
不急於需用男並不敢浪費俟蓄有成數即當寄奉日
來寒燠不時務祈

珍攝勿以男在外遠離日深望念是所至禱專肅敬請
頤安

男某某叩稟 月 日

△稟伯 報告添設分店

叔伯 父大人尊鑒。敬稟者。姪自叩別。

慈顏。瞬已逾月。未及肅修安稟。負罪良深。比維

起居康泰。

餐衛咸宜。慰如所頌。姪年來營業。幸賴錢莊某友。竭力輔
佐。辦貨一切。可以周轉。現在信用既著。匯劃往來。又添
兩家。金融頗覺活潑。姪意乘此時機。大可推廣營業。刻
已決定在某某馬路。開設分號。預料該處門市。每年亦
當有十餘萬之譜。但用人一層。最爲重要。今擬將本號
某君。調往彼處。管理各務。其人老成。可託。而姪又互相
照應。當不致有他虞。知蒙

垂注。用特詳陳。尚乞

時賜教。以言資遵守。是所禱盼。肅此敬請

福安。

姪某某謹稟

月 日

△祖諭孫謹慎營業

某孫收覽。半月未得來稟。想係事忙之故。汝近日是否安
好。家中甚爲系念。昨閱報紙。知汝處銀根已鬆。市面亦漸
有起色。予心稍慰。今年沿江商埠。因受兵事影響。暗中損
耗。固由時局使然。非人力所能免。惟汝號營業。全賴各股
東之扶助。始能支持到今。現既略有轉機。務宜振奮精神。
謹慎從事。庶不至於失敗。對股東可保全。資本對自身可

保。全。名。譽。從。中。關。係。甚。大。汝。其。千。萬。注。意。是。所。至。囑。閤。家。
安。善。如。常。勿。庸。多。念。信。到。卽。速。詳。細。作。覆。以。紓。我。懷。爲。要。
此。諭。 月 日。祖。手。書

△父諭子學習商業之要素

吾兒知悉。昨某先生來詢。知汝身體安好。號中生意發達。
大慰。惟汝青年學業。卽爲將來生活獨立之基礎。目前聞
已學習接應生意。足見稍有進步。但對於顧客接待宜和
藹。言語宜圓到。揀看貨物。不可厭煩。交易不成。不可生氣。
至於學徒應作各事。仍須活潑前進。毋得退縮。銀錢經手。
尤宜清楚。晚間有暇。卽應研究簿記。書札珠算之學。萬不

可。習。慣。怠。惰。自。誤。前。途。至。要。至。囑。家。中。一。切。安。好。汝。可。勿。
念。嗣。後。旬。餘。必。寄。安。稟。一。次。以。慰。我。懷。此。諭。

月 日父字

△母諭子學業應當戒勉之事

吾兒收閱。昨得來稟。知汝體安好。店中執事優待甚慰。茲
特重囑者。汝在外數月。當已稍知世事。現在學業謀生。必
圖自立。將來支持門戶。全靠汝身。汝父在日。亦是商界巨
擘。常云。屏烟酒。拒賭耍。慎起居。多運動。爲商人所當然。而
學徒時期。尤當注意。汝宜牢記。勿忘。至於現今流行之惡
習。切不可染。衣服祇須潔淨。毋求華美。言行務須誠實。毋

學。詐。僞。而。每。日。暇。時。更。宜。勤。習。寫。算。力。戒。嬉。戲。是。爲。至。要。
予。近。來。氣。體。較。健。汝。勿。遠。念。惟。必。時。寄。安。稟。以。紓。慈。母。戀。
子。之。懷。爲。囑。手。此。并。詢。近。佳。月 日。母。氏。手。書

△叔伯與姪問營業近狀

某姪如晤。別來兩月有餘。時於家報中知吾

姪在外安適。至爲心慰。近閱報紙。某路軍事行動。確已停
止。而某埠現銀仍然日缺。不知何故。吾

姪營業。信用久昭。金融想當活潑。惟前聞號中存積各貨。
尙多。現在銷路如何。核計成本。能否有贏。無絀。甚爲系
念。家中一切平善。書到卽望作復。以慰懸懸。手此順詢。

近祉。

伯叔某某氏寄言

月 日

△弟與兄告出洋商販之近况

某兄賜鑒。匆匆判襪。瞬已月餘。去國懷鄉。益增懸系。遙想
二親康健。闔家均安。慰如所祝。弟別後。乘某國商輪出發。於
某月某日。行抵南洋某埠。一路平安。不覺航行之苦。旋
晤鄉人某君。招待周至。并蒙邀寓伊家。此埠華僑。不下
數十萬人。營業發達。而擁有鉅貲者。實占多數。弟販售
絲織各種國貨。頗受此間歡迎。良因華僑具有愛國之
真忱。而拒用日本之劣貨。較內地爲尤甚。此行雖屬初
次經商。預料當可贏利而返。一切自知謹慎。願

兄告慰

堂上。勿以遠遊爲念。至叩至叩。弟如離此他往。當先電

聞。諸望

紓懷。手此敬頌

起居。

弟某某謹啓
月 日

△兄與弟言商店賬之責任

某弟如談。送別月餘。懷思倍切。昨閱家報。知

近狀安適。并悉刻已幫任司賬。聞之大爲欣慰。惟商家賬。務一席最爲重要。各項手續。必須清楚。不可挖補塗改。經手銀錢。不可分文苟且。每晚必交於總賬。以清界限。

至於辦事概要不外精細勤敏四字。尙希吾弟格外注意。是所至囑。家中自嚴慈以次。一是安善。望勿

遠念。手此順候。

時祉。

兄某某手書

月 日

△夫與婦告營業之進步

某君如見。握別以來。瞬已逾月。遙想

堂上康和。兒女安適。至爲念念。某近來身體較健。頗能耐勞。望勿

遠系。目下店中生意。甚爲順利。春間存積某種貨物。現因

市上缺貨業已盡銷獲利竟至倍蓰實年來營業難得之機會也預計來春始可回里賴

君勞心家計情系良深下月初旬某表伯返鄉擬託帶銀元二百圓以備家用屆時當再備函述告一切手此順頌

近祉

某某書寄

月

日

△婦與夫索寄家用并托薦內姪學業

某某夫子左右不奉

手書條將半月撫時遠溯不勝依馳近諭

起居安吉店中諸務勝常爲念茲因家中存款無多節前

一切開銷必須早爲預備。望君見信後務卽籌欸速奇。以免屆時爲難。某內姪前托薦學商業。想當

關垂注意。尙祈提前辦到爲要。現在闔家安好如恆。乞勿遠系店務操勞。惟

隨時珍攝。是禱。肅此順問

旅安。

某某謹啓

月 日

△稟外祖告舅父派辦之職務

外祖_父大人尊前。敬稟者。叩別以來。忽已半月。每瞻

慈範。時深孺思。遙想

福履康適。諸事如常。爲慰。外孫於上月某日抵滬。旋偕某君某某至。某舅父號中。承蒙面諭一切。卽派辦出口貨物事務。此項職任最爲重要。外孫自知商學淺陋。恐負所託。惟有格外謹慎秉承。某舅父之命。盡心辦理。以期免誤事機。現在某舅父及外孫身體均各安好。望勿

垂念。又上
父親一稟并乞

飭送。肅此恭請

頤安。

外孫某某謹稟

月 日

△稟舅父邀請表弟來助營業

舅父大人尊前敬肅者。睽別

慈顏。莫名瞻戀。近維

尊候康娛。

舅母大人福體安吉。至以爲頌。甥年來經商。幸可獲利。友人多勸趁此時機。擴充營業。惟一人精力有限。實虞照管不周。意欲添用夥友。一時又難其選。因思某表弟頗熟悉商界情形。用特稟商

長者。擬請其臂助。以資擴張。倘荷

許可。卽乞

囑其刻日來此。萬勿延緩。是禱。專肅敬請

福安。

甥某某謹稟

月 日

△稟姑父商請店中添本

姑父大人尊前。敬肅者。久別

慈顏。時深孺慕。邇諭

興履勝常。

姑母大人福躬安泰。定符下頌。姪仰荷

長者厚愛。囑理店務。凡事懍遵。

鈞命。以謹慎信實爲主旨。因是營業。日見發達。之機。惟辦

貨一層。托人代理。動輒爲所牽制。姪現調查情形。擬於

某埠自設坐莊。較爲便利。想

尊意當亦以爲然。但此事如果實行，必須添籌資本，方可辦到。姪不敢自專，是否還乞

賜示爲禱。專此肅稟，恭請

福安。

內姪某某謹稟

月 日

△稟姨父商請合力盤店

姨父大人尊右。敬肅者。上月某日。肅上一稟。計已呈
慈鑒矣。近議

福履安綏。閣潭均吉。定符孺頌。茲聞某某號。刻已議決
召盤。姪苦儲蓄無多。本店又不便抽本。此事殊難獨任。
因思該號內容素爲

長者所深悉如蒙

同意贊助合力承盤卽乞

速賜復諭以便與之論價昨據該號某賬友傳述約在兩

竿左右便可成交也專此肅陳敬請

崇安

姨姪某某謹稟

月 日

△請表伯轉匯家用并詢市況

表伯大人鈞鑒遠隔

慈顏時深馳念敬維

履祺晉吉

潭祉延綏爲頌姪餬口此間平安可告茲因家母來諭

命籌家用甚急。特託中國銀行匯上百元。匯票一紙附呈。到時卽祈

費神代收。迅賜轉匯爲禱。又聞新訂服制。其質料限用國貨。故各種絲織品物銷場。比往年較佳。尊處營業。必甚得手。

暇乞見示。以慰殷拳。專此奉懇。順請

崇安。

表姪某某謹上

月

日

△致表兄答言店事已有轉機

某某表兄左右。昨奉

惠書。就謔

侍祺安燕。至爲欣慰。承

詢營業情狀。目下已有轉機。良由與某君拆股之後。事權
統一。辦理可以順手。信用亦較勝於前。各號往來。尙敷
周轉。惟以資本不甚充裕。凡事均以謹慎爲主。未敢展
放範圍。致生障礙。而坐失此活動之機緣也。辱荷
拳注。用特據實奉聞。尙希

時賜教言。以資遵率。是幸。專此順請

台安。

表弟某某謹啓

月 日

△致表弟勸其謹守商業範圍

某某表弟台覽。不相晤者許久。昨接

手函藉悉

近狀安佳。闔潭均好。慰如所頌。兄對於營業一道。本非所長。祇以先人創業於前。非常辛苦。不敢不勉力保守。以爲生活之資。吾

弟履厚席豐。號中資本。雖較爲充裕。仍應執定主意。謹守舊日範圍。不可聽從他人放手鋪張。以致一發而無從收拾。卽如某某等號。其失敗之原因。皆由於此。尙希吾弟引爲前車之鑒。是幸。手此順候。

台祉。

愚表兄某某手啓

月 日

△堦稟翁告營業發達并招內弟來店

外舅大人尊前。敬稟者。別逾春夏。時繫孺思。近謬

福履綏和。

闔潭安善。爲頌爲慰。塔離家日久。生計勞人。近幸所營。商業機緣。尙好。去年本號屯積各貨。至今春來源缺乏之時。盡行脫售。頗得善價。某處支店門市。亦較前發達。此足爲

長者告慰耳。某弟在商業學校。想已畢業。倘肯屈就。惠然來此。相助爲理。無任歡迎。乞卽

詢明。復示爲叩。專肅敬請

金安。

子塔某某謹啓

月

日

△與襟兄言存款生息之概要

某某襟兄賜鑒。昨由某內弟遞到

手教。祇誦之餘。就譚

儷祉吉羊。慰孚所頌。承

詢存款生息。錢莊規例。與銀行票號不同。凡存款錢莊。活期定期。均有利息可取。活期者曰浮存。以摺子記存款之收付。月息約四五厘。定期者曰長期。給有存票。期滿則憑付本息。月息六七厘至一分左右。

存款存放。必先酌定活期定期。以免貽誤。爲要。專此奉復。順請

近安。

愚姻弟某某謹啓

月 日

△商務概要類

△與友言商界簿記之通例

某某仁兄惠鑒奉

示敬悉。弟雖曾肄業商校。於簿記學一種。究亦別無長處。然揆之商界需用賬簿之通例。大要有五。一曰銀錢流水。二曰銀錢總登。三曰進貨賬。四曰售貨賬。五曰貨物銷號。此五種外。或有他項賬簿。則隨各業所用而定。其名稱。至於總結之法。不外分收付存欠四項。核算款項。

之法不。外。以。規。元。或。銀。元。爲。主。而。以。他。項。申。算。之。但。簿。中。分。項。記。載。必。須。臚。列。詳。明。始。能。一。目。瞭。然。也。弟。之。所。知。者。如。此。吾。

兄。得。毋。笑。其。淺。陋。否。此。上。敬。頌。

台。祉。

某某謹啓

月 日

△致友述告商民統一之新法典

某某仁兄閣下。久不通訊。惟

起居納福爲頌。昨晤某君某某。述及
囑購商人應用之法律等書。足見吾

兄深知商法與商業之關係甚大也。第今聞中央此次訂

立。法。典。按。社。會。實。際。之。狀。況。從。現。代。立。法。之。潮。流。已。擬。
將。民。商。二。法。合。併。以。免。條。文。之。揉。雜。而。符。全。民。之。精。神。
其。不。能。合。併。者。如。公。司。法。票。據。法。海。商。法。保。險。法。等。則。
分。立。單。行。法。規。以。資。適。用。據。此。言。之。則。商。民。統。一。之。新。
法。典。尚。須。俟。諸。異。日。茲。僅。就。商。業。暫。可。援。用。者。代。購。數。
種。交。郵。寄。奉。至。祈。

檢收爲盼。專此順請

籌安。

某某謹啓

月

日

△致友言我國商戰失敗之原因

某某仁兄大鑒。頃聞吾

兄以友人相邀。行將經商南洋各埠。甚善甚善。弟念我國商戰失敗之原因。略有數端。如製造貨物。外國以機器而我以人工。相形見絀。一也。各國進口稅重。出口稅輕。我國反是。二也。華人專以販賣洋貨營生。因此金銀輸出漏卮日甚。三也。外人取我之生貨製成熟貨。銷售於我不啻以我之矛刺我之盾。四也。以此之故。我國商務之墮落。遂不可言。今吾

兄與華僑接洽。專以經售國貨爲主要。定可獲優勝而挽回利權。尙祈

惠我數行。以當面談是盼。專此敬頌

籌社。

某某謹啓

月 日

△致友詢營業稅實行後之利害

某某仁兄閣下。別來匝月。想

時社安和爲慰。弟昨閱報載營業稅之章程。規定至爲詳
悉。惟昔日之惡稅。猶未除。今日之新稅。又疊加。則擔負
日益增重。商民日益困窮。以困窮之政府。苛求困窮之
商民。其危險誠不堪設想。吾

兄營業通商大埠。

思想學識。迥不猶人。對於此項稅則之利害。當有見解。獨
到者。尙希

賜我教言是幸。專此敬請

台安。

某某謹啓

月 日

△與友論津滬爲南北之重要商埠

某某仁兄惠鑒。昨奉

手書。詢及我國商埠之情形。舉其大略而言之。屬於北部者凡八。屬於南部者凡二十六。屬於滿洲者凡二十四。屬於長江沿岸者凡十七。屬於其餘各地凡十一。然以形勢之關係。商貨之趨集而論。在南則以上海爲重要。商埠。海舶東來。停泊於此。進口出口貨物。推爲大宗。在北則以天津爲重要商埠。緣該埠係水陸衝衢。實爲交

匯諸方面之門戶。至如漢口。雖稱爲貿易中心。廣州亦推爲繁盛區域。究不及津滬二埠。可操中外通商之總樞紐。

執事有意營業。尙希就該二埠而抉擇其地點是幸。此上

順頌

台祺。

某某謹啓

月 日

△覆述資方對待勞方之意旨

某某仁兄台鑒。昨接

手函。得悉我業全體夥友。又復相率同時罷工。此誠無可如何之事。祇好隨大勢而解決。不能別有所主張。吾

兄。經。理。店。務。對。於。各。同。事。概。從。優。待。固。非。反。對。新。潮。者。可。比。即。某。雖。係。資。方。向。無。壓。迫。勞。方。之。意。旨。即。犧。牲。亦。在。所。不。惜。吾

兄。仍。應。照。常。辦。理。不。必。多。虞。即。或。因。職。工。要。挾。而。竟。致。失。敗。此。亦。時。勢。所。迫。而。無。從。倖。免。者。某。決。無。理。怨。之。異。言。也。專。覆。即。頌。

台。社。

某。某。謹。啓

月 日

△函告取締空盤買賣之辦法

某某先生閣下。頃奉

大教。祇。悉。一。是。就。諭。

履候咸宜。如頌爲慰。海上空盤買賣之弊害。爲

閣下所深悉。卽某亦時表反對之主張。現在此間金業公所。議定取締辦法。設立監查定單交換所。凡各金店交易。成立後。向公所登明簿據。互換定單。庶各幫交易。明如指掌。弊端亦易稽查。種種後患。當可從此杜絕淨盡也。某事亦已解決。幸未損失。希勿

塵注爲禱。專此敬請

台安。

某某謹啓

月

日

△函答取引所與各業茶會之比例

某某仁兄閣下。頃奉

惠就書論

台候勝常

營業發達甚慰甚慰承

詢日商所設取引所之制以漢文譯之或即稱爲貿易場其作用情形略與上海各業所設之茶會相似然日商取引所有政府規定之條例組織完備效力甚大我國之商業茶會範圍狹小並無規例究不合於取引所之制當此商戰日劇之時倘就茶會改良而仿效之未始非商界進步之一端也專此奉覆即請

台安

某某謹啓

月 日

△與友言期票之作用

某某仁兄台鑒。頃由 令親交到

手書。并某某錢莊支票一紙。

囑於今晚取銀寄出。此事實難照辦。緣錢莊通例。凡赴莊支銀者。當在午後三時以前。今日已遲。必須明日往取。方可交局寄上。且此間票莊支票匯票。皆爲期票。期內自可輾轉通用。屆期始能持票付欸。此後尊處所有期票。可以帶交抵用。不必向莊取銀。致費周折也。專此順頌。

籌祉。

某某謹啓

月

日

△與友言呈請專利之出品

某某仁兄閣下。頃奉

手書。就諗

履祉安和。

籌祺順適。甚以爲慰。承

商呈請專利一事。必須自創新式貨物。實能便於民而利於用者。始准呈部考驗。給予憑照。許出品人專利。蓋非可率意請求者。

閣下製成之貨品。某未寓目。不敢漫爲斷定。尙祈裁酌而行。是幸。專此順請。

台安。

某某謹啓

月 日

△與友言盤店之關節

某某仁兄大鑒。昨晤令親某君。得悉吾

兄擬盤某某號事。甚善甚善。惟盤店之關節甚多。事前事後。皆宜詳細考核。免爲所欺。如該號生財作價。不能估計。必須逐件查檢。視其值否。存貨例當作折。而呆滯難售。及腐壞不堪之品。不可併入。致喫現虧。上行虧短。與帳面抵算。尤宜調查確實。方可交議。至接盤之際。則夥友棧司之藏匿損傷。諸弊在所不免。隨時隨事。均應注意。及之。忝在

知交。故特以煩瑣之言奉告。尙希採納。施行爲幸。專此卽請

籌安。

某某謹啓

月 日

△函答商店資本之名義

某某仁兄台鑒。奉

示敬悉。承

詢商店資本一節。名義各別。不能牽混。凡開設時所定資本數目。名爲長本。開設後向錢莊所貸之款。名爲短本。如房屋生財。可以常用者。爲常住資本。亦曰固定資本。若貨幣。若商品。若原料。可供周轉者。爲循環資本。亦曰

流通資本。至資本每年應得之子金曰息利。資本經營之賺入曰盈利。即俗所謂官利餘利也。弟因來書對於常住資本之名稱不甚明晰。故略爲類別言之。尚乞。

另質高明。是幸。專此順頌。

台祺。

某某謹啓

月

日

△致友言機器製造貨物之稅法

某某仁兄賜鑒。頃聞

執事因某種貨物納稅。致責經手者辦理不善。弟意殊不謂然。蓋機器製造貨物。本分兩種。仿造洋式貨物者。在

經過第一關完納正稅即給以運單沿途可概免稅厘。製造土式貨物者則應照土貨征稅章程辦理。執事此次所運品物係機器製造之土貨遵章納稅無可牽強祈勿。

誤會致傷同事之感情是幸專此敬頌

籌社

某某謹啓 月 日

△函述商標註冊之利益

某某仁兄大鑒。日昨承

示貨樣一種甚佳商標形式亦復新異註冊手續自不可緩蓋商標者即唛頭之謂以特別記號附於商品使人

易。於。辨。別。其。作。用。與。招。牌。相。等。呈。明。官。廳。即。享。有。專。用。之。權。利。倘。若。他。人。影。戲。模。倣。可。以。控。官。究。治。而。保。全。營。業。其。效。力。之。大。如。是。務。希。

速。行。呈。部。切。勿。遷。延。爲。幸。專。此。順。頌。

財。祉。

某某謹啓

月

日

△與友言商店租押之擇別

某某仁兄閣下。別久思深。惟

起居安吉爲頌。昨晤令親某君。始知

足下決計歸里。另營實業。所設之某某號。或押或租。尙未定局。以弟之鄙意計之。吾

兄歇業。並非虧折失敗者可比。押則名譽有礙。權利且將盡屬諸人。租則名譽無關。權利仍可保存於我。兩者相較得失顯然。自宜從租而不從押。卽或一時承租無人不妨稍緩以待也。芻蕘之言。惟希

採擇爲荷。專此順請

台安。

某某謹啓

月 日

△函答輪船及火車運貨之概略

某某仁兄台鑒。奉

示敬悉。運貨一層。自當以變通辦理爲是。蓋火車輪船。水陸之運法稍異。而其計算載物之運費。或論担。或論噸。

大略相同。惟重量則分等數以計費。容積則每四十方尺爲一噸。按容量以計費。交運貨物之時。必須審酌而行。至火車輪船運費之比例。雖較有貴賤。而運到之遲速亦相差甚遠。此後運往分莊之貨物。或當由火車。或當由輪船。相機以定辦法可也。專此卽頌。

籌社。

某某謹啓

月 日

△函論中外利息之比例

某某仁兄閣下。久違殊念。惟

台候勝常爲頌。頃聞

執事以弟前開某項利率。頗致懷疑。其實中外計息之法。

本不懸殊。如外國之以年計息者。取百分之一。曰一分。取千分之一。曰一厘。較之我國所謂常年一分。即按年取十分之一。常年一厘。即按年取百分之一。其以日計息者。大抵每百元。每日利幾分。猶如我國按月一分。即按月取分百之一。按月一厘。即按月取千分之一。彼此比例。至易明晰。尚祈

覆加稽核。勿致誤會。是幸。專此順請。

台安。

某某謹啓

月 日

△函訂電匯及郵匯之認費

某某仁兄閣下。久疏函候。馳念良殷。辰維

籌畫精詳。

動定佳勝。如頌爲慰。茲啓者。因上年由莊匯欸。每致延誤。此後擬請由電匯。或由郵局寄匯。較爲便利。至於電局匯費。與所加電報費及郵局匯費。與補水費。彼此平均。分認。想亦。

贊同。是否卽請

賜覆是盼。專此敬請

台安。

某某謹啓

月

日

△與友言簿摺加帖印花之非是

某某仁兄閣下。前奉

惠書適以事完致稽裁答爲歉承

詢敵處簿摺加帖印花之問題迄今尙未解決我輩商人對於現行各稅固無反抗之能力然據情理而論一方增加各新稅一方卽應力除舊稅之弊端凡一切疊床架屋之稅收及病商累民之厘卡革除者革除裁廢者裁廢民力既有舒暢之機會商情自減煩苛之痛苦詎意時至今日舊稅應除者仍不除新稅不應增者仍須增人民之担負加重勢必一致破產其爲禍將有不可勝言者想

尊處商民當亦同此心理也專復順頌

台社。

某某謹啓

月 日

△函陳調查土貨之方法

某某仁兄惠鑒。頃得

手書。知日內將往內地調查土貨。甚善甚善。弟上年營業亦先從此着手。惟土貨種類繁多。必須區別其概要。如屬於農業類者。則爲米麥絲茶棉花煙藥等。屬於動物類者。則爲畜牧漁業皮貨毛羽等。屬於礦產類者。則爲五金煤鐵硝礦玉石等。此三類中物。製成熟貨。而屬於製造類者。則爲綢布呢絨金類器皿等。品類既分。然後調查其出產之良否。價值之高低。運路之通阻。銷場之

多少。釐稅之輕重。如此通盤籌畫。手續完備。無有不贏。利者。叨在。

知交。用敢本經驗之所得。以陳諸。

左右。想不。

晒爲老生常談也。專此敬頌。

籌祉。

某某謹啓
月 日

△函答改用陽曆之困難

某某仁兄大鑒。前奉某節帳單一函。滿望。

台核後。即將該欸歸還。及今接。

來函。竟以遵用陽曆爲辭。想係傳聞歧誤之所致。此間各。

業。雖。曾。有。改。用。陽。曆。之。提。議。乃。商。界。往。來。仍。然。以。逢。節。結。賬。爲。貨。欸。歸。納。之。期。限。此。種。商。業。舊。例。非。但。習。慣。上。不。易。變。更。卽。手。續。上。亦。難。於。移。改。苟。徒。就。國。家。正。朔。之。具。文。而。言。恐。按。諸。實。際。殆。有。窒。礙。難。行。者。此。後。

尊處如仍照舊往來卽祈

核結該欸如數寄下爲盼專此敬頌

籌祉

某某謹啓

月

日

△與友言金融上改革之問題

某某仁兄大鑒。昨奉

惠書承

示金融上改革之問題。甚善甚善。蓋生銀之在今日。自匪
偏僻省分。銀元不到之地。鮮有用者。一則因成色既極
參差。二則因秤量復多不便。當然在淘汰之列矣。況如
上海商界所謂規元。既以銀元折合。其於錢市中。幾成
虛位。不特與國家統一幣制有所抵觸。且以通用之銀
元而折合。近時所不甚行用之生銀。尊爲本位。亦覺無
謂。我國社會好保存舊習而不肯應時勢於潮流相與
演進。此亦一端。今商界既已有倡議改革者。弟深望
執事竭力贊成。以達改進之目的。毋使最開通之上海商
界。而猶拘守此無謂之習慣也。幸何如之。手此敬頌。

台社。

某某謹啓

月

日

△函敘商人對於三民主義之感想

某某仁兄惠鑒。昨奉

手函。敘及近日商民之痛苦。凡身受者莫不謂然。敝處自
上年迄今。所聞所見。無非三民主義之喧傳。然就實際
上細加觀察。則帝國主義。盪我之腦。貪官污吏。吸我之
髓。軍人毀地方。元氣勞工。絕實業。生機竊恐。循此以往。
民族衰。民生絕。民權更談不到。不步朝鮮。安南。緬甸之
後塵。不止孫總理在天之靈。亦將痛哭流涕。而歎革命
之永不成功也。因

來書而感言及此。得毋晒我狂妄否。手此敬頌

台祉。

某某謹啓

月

日

△與友言新輔幣之十進式

某某仁兄台鑒。頃奉

手書。承以新輔幣

垂詢。此間仍循舊例。殆係積重難返之原因。弟查各國輔幣之方式。約有三種。一爲折半式。二爲十二進式。三爲十進式。三者中。固以十進式爲最便流通。而合於實用。吾國向來之輔幣。本亦用十進式者。惟因分量成色之參差。供求限量之不講。乃積而成高低漲落之現象。而

錢商又操縱其間市價畸零。遂至如是之甚。故今日而欲實行十進法者。須於製造行使各方面。預防其弊。而決非一紙之文告。所能收效也。專此奉覆。敬頌

籌祺。

某某謹啓

月 日

△△貨款往來類

△致友託其辦貨

某某仁兄閣下。別來忽忽兩月。惟

履祺。覃祉。皆大吉祥。如頌爲慰。茲由某君某某述及。執事將於日內北赴津埠。經營某項事業。從此

高。掌。遠。蹶。積。極。進。行。定。當。
勝。算。預。操。享。優。利。於。商。界。傳。聞。之。下。企。羨。莫。名。弟。想。該。埠。
爲。商。賈。輻。輳。百。貨。充。溢。之。區。某。某。等。物。今。秋。價。如。合。宜。

擬請

費神代辦並祈先

探時價開單示知以便寄款採購叨附

愛末諒不以煩瀆見却也專此奉託即請

台安。

某某謹啓

月 日

△致友託代搨貨

某某仁兄閣下久違

台教。企念時殷。比維

籌祉吉祥。

財祺暢茂。如頌爲慰。弟上年所營小業。開支旣省。定價較廉。因茲生意頗有進步。惟資本短絀。時慮周轉不靈。敢

乞我

兄代爲介紹。向某某號暫掬貨物三百元之譜。俾得運動。展舒。倘荷。

鼎力玉成。該欸總以三節結清爲度。卽或貽意外之虞。弟尚。有。薄。產。可。破。斷。不。至。累。及。

居間人也。附上貨單。祈

賜督閱并盼

復音專此奉託敬請

台安。

某某謹啓
月 日

△函託代售貨物

某某仁兄閣下久未函候。惟日以

籌祉延釐。

旅祺迪吉爲頌。茲有懇者。今秋鄉間某種出產頗旺。市上
價值較廉。聞

貴埠此時銷場甚好。因託敝友某某之便。帶上一百件。務

乞

代爲發售。價約某數。即可脫手。倘得善價。而沽尤所感。泐。

有

費。清。神。容。當。圖。報。專。此。奉。託。敬。請。

台安。

某某謹啓

月 日

△致友招購客貨

某某仁兄閣下。自別

台暉。時深企念。辰維

履祺日茂。

籌社雲臻。至爲頌慰。茲因某處客幫之貨。現已到埠。市價較爲略增。緣今年出產不豐。將來行情仍恐有漲無落。

弟想。

寶號存貨當亦不多。乘早議價購進。定有優利。可圖務望
從速賜示。以便預爲選辦。免致延誤時機。料
尊意當亦以爲然也。專此敬請

台安。

某某謹啓

月 日

△致友邀請定貨

某某仁兄閣下。久企

台暉。無任渴念。辰維

履祺迪吉。

籌祉延庥。良如所頌。茲啓者。敝公司自擴充營業以來。採

辦五金雜貨。洋廣各物。係與外洋各名廠訂立合同。直接定購。一切價值。較可從廉。

寶號信義。夙昭交易。日盛如蒙。

惠顧定貨。請即。

開示物品。并約限期。小號定當格外克己。尅日辦奉。以副台囑也。專此敬請。

台安。

某某謹啓

月

日

△函告貨已轉售

某某仁兄閣下。承

委代銷某物。恰值來源頗多之時。因轉託各友。竭力兜售。

始能脫手。弟原擬待至善價而沽。多得贏餘以報台命。奈恐市情不定。或轉貽弄巧成拙之虞。故統算略有利益。卽行如數售去。想

閣下當不責我輕率也。寄上清單。并銀元五千圓。到乞查收。並希

賜覆爲盼。專此順頌

財祉。

某某謹啓

月 日

△函告貨未售罄

某某仁兄惠鑒前

託代售某種貨物。卽遵

台囑。按照時價。陸續發售。迄今共計售得銀元三千元。於本月某日。交由某某錢莊匯上。附寄憑單及統列清單。至祈

查收入冊。并即

賜覆。以免懸系。此外餘存之貨。擬俟售出。再歸入後賬。結算。以清手續。專此即頌

籌祉。

某某謹啓

月 日

△致友催寄貨物

某某仁兄大鑒。上月曾肅寸箋。并貨單一紙。計已獲邀台覽。乃懸盼旬餘。未見

惠擲至爲焦念。刻因此間存貨早已銷罄。應市急於需用。迫不容緩。務乞

費神即日配齊。

趕緊交輪寄下。萬勿再誤。是禱。至該找貨欸。俟來單核數。即當寄奉。決不稍失信用也。專此敬頌財祺。

某某謹啓

月 日

△致友催出定貨

某某仁兄閣下。逕啓者。前承

寄下定銀百兩。原約一月爲限。銀貨兩交。乃所定之貨。久已辦齊。迄今仍無音信。而貨價又復日漲。若照商界通

例。約。已。過。期。即。宜。將。定。銀。充。公。因。念。

閣。下。開。始。營。業。於。定。貨。章。程。或。未。詳。悉。用。特。馳。函。布。意。望
即。

從。速。惠。臨。備。價。出。貨。庶。可。免。傷。感。情。也。專。此。即。頌。

籌。祺。

某某謹啓

月 日

△致友退換劣貨

某某仁兄大鑒。頃接

手書。并查收各件來貨無誤。惟內有某某兩種。貨既粗劣。
價復昂貴。實屬不能脫手。茲特仍交某某輪局寄上。即

乞

速選頭號之貨。交原班帶下爲禱。小號與尊處往來賬目。年節結清。未嘗偶失信用。似不應如此對待。倘因周章而致受虧損。試問咎將誰歸也。專此卽頌台祉。

某某謹啓

月 日

△函告貨物須配正號

某某仁兄台鑒。逕啓者。前配

尊處之貨。均係副號。本不合用。第以感情所關。不便寄退。因託人照本兜售。始可脫手。而門市需購正號者。反無以應之。從中損失。何可復言。今特開單奉上。卽祈照配道地正號之貨。切勿再以副號混入。致誤主顧。如若

一時不能配齊。可將現有者先行

惠擲是禱。專此敬頌

籌祉。

某某謹啓

月 日

△與友言須銀到配貨

某某仁兄惠鑒。昨接

來函及配貨清單。奉悉。豈是彼此交往有年。原當遵命照辦。惟小號現因來源缺少。銀根吃緊之故。一律均須銀到配貨。無論何家往來批發。何貨概難通融。想執事洞悉市况。個中難處。定能

督及今核算

寶號需用之各貨。約計價銀若干。如蒙

俯諒。祈卽匯欸。以便照單選貨。而免延誤。是幸。此覆。順頌
籌祉。

某某謹啓

月 日

△函述進貨方法

某某仁兄惠鑒。昨奉

手翰。知日內卽須赴漢坐莊。甚善甚慰。惟商界水客。擔任
甚重。收買貨物。先須諒悉本店之資本及銷路。酌量採
辦。否則積貨擱本。必不合算。至於揀購貨物。尤宜擇時。
擇地。力爭價值之低減。而品質良否。務必親自檢察。選
剔。方可免於吃虧。忝在

知交。用特以曩日經驗所得者。陳諸

左右。想吾

兄高明。當不以斯言爲迂闊也。此上順頌

籌祉。

某某謹啓

月 日

△函問貨物行情

某某仁兄閣下。闊別許久。企念良殷。比維

履祉雲蒸。

財祺日茂。爲頌。敝處某種物產。近因客路不暢。市面情形。

遂致大爲減色。據鄙見推測。一時恐難有轉機。想

尊處市大信靈。見聞較確。敢乞將半月以內之行情。底蘊。

開示詳明俾可資爲定準以免歧趨則幸甚矣專此奉懇
敬請

台安

某某謹啓 月 日

△與友說明物價漲落無定之原因

某某仁兄惠鑒昨奉

來書知

尊意於物價漲落之無定頗滋疑點其實此中原因約有
數端如製造之物原料有貴賤工資有高下而其價遂
異一也各地運費稅金有多少之別物價亦緣此不同
二也土貨如種植之物年豐產多則價落歲歉產少則

價漲三也。物價之低昂時隨市面貨幣之多少而轉移。如洋貨以先令之貴賤而物價遂有高下四也。貨多客少。斯供過於求。勢必爭售以減價。貨少客多。斯求過於供。勢必居奇而增價。五也。上列各因均係實在情形。尙希

細管理由。勿致誤會是幸。專此卽頌

台祉。

某某謹啓

月

日

△致友請代查盤存貨

某某仁兄閣下。別久思深。惟

籌祉吉羊。

旅祺安燕爲頌。茲因某埠分莊累年出入終難相抵。若不
及早整頓。必致大受其虧。擬請

閣下將所有職務暫託某君代理。祈卽

前往某埠。將該分莊所存貨物詳細查盤。開列清單。附函
寄下。以便得悉真相。再定辦法。惟託

君此行務望

格外注意。是禱。專此卽請

台安。

某某謹啓

月

日

△與友言貨物廣告之作用

某某仁兄台鑒。昨晤某君談及

寶號新張以來。尙未登報廣告。此端於營業上大有關係。豈得視爲無足輕重之問題。蓋新製貨品。固須宣布報紙。使人注意。卽普通貨品。爲社會日用所必需者。亦宜時登廣告。以爲競爭生意之輔佐。試觀同物同價之品。一常登報。則顧客紛至。一不登報。則顧客稀少。兩相比較。便知此中之效力甚鉅也。吾

兄營業伊始。祈勿以爲費大而吝之。是幸。手此敬頌
籌祉。

某某謹啓

月 日

△函託代收貨款

某某仁兄閣下。別來月餘。想

起居暢適。慰如所頌。茲有懇者。弟前次運貨至津。本擬得價而沽。奈緣急於回南。遂全數出讓於某某行。議定價銀五千六百兩。言明是月付清。刻已屆期。而弟又不能抽身北上。因念

閣下曩亦與聞此事。且係鄉里。

知交。故敢將價單及期票據一併由郵局掛號寄呈。敬乞閣下就近代收。後交莊匯下。是爲至禱。某行已另有信去。

知照料無異言。瑣瀆。

清神容當面謝。專此奉託。敬請

旅安。

某某謹啓

月 日

△致友請其劃收貨款

某某仁兄閣下。昨惠

惠函。深荷

注存。就諗

興履。勝常。

指揮如意。至爲欣慰。承

示各貨市價。并蒙

關顧。允代購某貨三百件。自當遵

囑。照辦。惟此物今年出產不佳。價必日漲。祈卽

從速收買。勿失時機。應需貨款。請與某莊某君接洽。卽向

該莊割付。以免周折。某君處已有信去知照矣。種種費神。容晤再當面謝。專此敬請

台安。

某某謹啓

月 日

△致友催付貨款

某某仁兄閣下。久疏函候。惟

操奇計贏。

駿業日茂。爲頌。茲啓者。前蒙

惠顧各貨。計價洋七百六十四元。爲數甚微。本應俟尊處便中寄擲。惟小號資本薄弱。周轉不敷。且節關已屆。必須收回。外欠而資。應付不得已。泐函奉

聞務乞

俯鑒下情。即將該款如數給付。以便轉圜。至爲幸感。專此

順請

籌安。

某某謹啓

月 日

△與友情商展期匯付貨款

某某仁兄閣下。迭奉兩

示。敬悉種切。就諗

起居多福。

營業勝常。慰如所頌。前該

尊處貨價一欸。本擬屆期寄奉。以孚信用。奈因敝處某莊。

倒閉小號。存款亦遭波及。以致連帶受軋。一時難於籌措。然遲至中秋。定當如數匯上。決不再延。致滋口實。弟與

寶號往來有年。此次不得已而爽約。亦係事出偶然。尚希鑒諒下情。以觀後效。爲感。此覆卽請

籌安。

某某謹啓

月 日

△與友言以提單抵還欠款

某某仁兄台鑒。逕啓者。弟近因貿易失利。以致四處受擠。無非時機不順之緣由。所有虧欠各項。仍當設法清理。以免道德墮落之譏。至如

寶號貨價一欸。承

囑清結。弟亦不便久延。擬以定存海味五件。作價抵償。計

可不甚相懸。如蒙

俯允。即將海味提單奉上。以了手續。是否尚乞

示覆爲禱。專此順頌

籌祉。

某某謹啓

月

日

△致友貸欸以資周轉

某某先生閣下。久違

台教。企念爲勞。辰維

履祺日懋。

財社雲臻。良如所頌。弟今歲店中生意尙佳。惟秋間進貨過多。攔本太重。稍覺周轉不敷。用敢不揣冒昧。仰懇惠假一竿。以濟眉急。倘蒙俯允。卽乞電匯。期約歲杪。如數歸償。否則亦祈明示。以便他圖。專此奉懇。敬請台安。

某某謹啓

月 日

△答友允借資本

某某仁兄閣下。昨奉

手函。就謔

動止咸宜爲慰承

示一節通財之誼自古有然况吾

兄以老成之勝算爲實業之營生凡在素交理應勉力以助

囑撥五百兩之數今特交由某莊匯上卽乞

察收約還之期謹當遵

命想素重信用如吾

兄必可言行相符也專覆卽請

台安

某某謹啓

月

日

△函答無力貸以資本

某某仁兄閣下。兩奉

手書。敬悉種切。就謹

起居安吉。如頌爲慰。承

商一節。理當設法報

命。奈弟年來營業。周轉不敷。動輒擱淺。自愧阮囊羞澀。實
在籌措無方。而轉商朋輩。均復以市况冷落爲辭。愛莫
能助。負負徒呼。抱歉私衷。殊難言喻。忝在

知交。務祈

格外原諒。爲禱。專此奉復。敬請

台安。

某某謹啓

月 日

△致友索償舊時欠欸

某某仁兄閣下。闊別

光儀。時勞企念。比維

起居納福。

營業增豐。允符遠頌。弟自某某號分手以來。家園株守。景

况之艱。有不堪爲。

知己道者。因思曩年共事。吾

兄曾移一欸。尙未見還。值此迫不得已之時。務祈

從速設法。如數匯寄。俾得稍紓困難。至爲感盼。一俟欸到。

當卽將券寄繳。決不致誤。專此順請。

台安。

某某謹啓

月 日

△致友寄還欠款

某某仁兄閣下。自違

雅範。裘葛屢更。辰維

籌祉安和。

履祺佳勝。定符臆頌。弟此間營業。市况較去歲爲佳。且幸
粗健勝勞。堪以告慰。

知己前承。

惠假一欸。感銘五內。永不敢忘。茲以贏餘所得。湊成該欸。
如數并附子金若干。託某君某某帶上。繳還。乞卽

管收並請將前券塗銷交下是爲至禱秋間旋里仍擬紆
道詣謝專此敬請

台安

某某謹啓

月 日

△函懇止利還本

某某仁兄閣下頃奉

惠書恍如面晤藉諗

興居集吉

籌畫咸宜慰如所頌前承

惠假之欸滿擬今年措還奈目下市况不佳時形拮据欲

求本利兩楚頗覺爲難敢乞

俯念下情讓去子金除已付不計外自上年某月至今概請豁免俾得減輕擔負清繳母金則感荷

厚誼圖報敢忘如蒙

概允祈卽

賜我復音以便遵辦專此奉商敬請

台安

某某謹啓

月

日

△函請覆核賬單

某某仁兄台鑒逕啓者前奉

惠函并年終細賬一紙已悉種切惟查閱

來賬間有貨目不符及日期參差之處想係

執事冗忙不及細核所致。今特開詳單寄呈
台覽。尚祈

覆核見示。以便早日匯款。而清手續爲要。專此敬頌
籌祉。

某某謹啓
月 日

△致友預告收賬

某某仁兄閣下。自違

大教。忽忽半年。比維

履祺。籌祉。豈是吉祥。如頌爲慰。聞今歲

尊處市況頗佳。益以

執事之操奇計。贏想見優利。增收當非尋常可比。弟擬於

下月初旬出門。前赴各地收賬。順道卽至

尊處。將彼此進出之賬。親面一結。望卽

指辦。預備。免至屆時稽遲。爲禱。先此布奉。敬請

台安。

某某謹啓

月 日

△函告銀欸不敷暫爲記賬

某某仁兄台鑒。逕啓者。日前

惠函。并由某莊匯欸一千兩。

囑辦某種貨物。遵卽如數選裝。交某某報關行寄上。至祈
檢收。至於運費統稅均已代付。惟共計銀欸不敷之數。約

二百兩有零。已掛

尊。册。下。次。結。算。可。也。專。此。布。奉。敬。頌。

籌。祉。

某某謹啓

月 日

△函詢某號可否交往

某某仁兄閣下。自違

台教。數月於茲。春樹暮雲。時縈寤寐。辰維

寶遷協吉。

動定延釐。定符遠頌。茲敬懇者。

貴地某某號。昨託由某號擋手某君。出函介紹。并附清

單。囑辦貨物。該號之信用如何。及殷實與否。想

閣下在彼經營有年。必當悉其底蘊。敢乞

從。實。示。知。以。便。應。付。忝。在。
知。交。諒。不。以。瑣。瀆。見。誚。也。專。此。敬。請。

台安。

某某謹啓
月 日

△致友託其立戶往來

某某仁兄閣下久違

雅教渴念良殷辰維

動靜咸宜。

經。綸。大。展。式。符。所。頌。弟。自。營。業。至。今。尚。幸。日。有。起。色。店。事。
較。可。展。舒。近。擬。稍。加。擴。充。以。圖。蠅。頭。之。利。敢。與。

執。事。商。量。請。立。小。號。戶。名。彼。此。匯。兌。每。結。以。五。千。金。爲。率。

倘蒙

慨諾。一切均照市規辦理。無待贅言。可否務祈
賜覆爲禱。專此敬請
籌安。

某某謹啓
月 日

△△職業交際類

△函告經理交替

某某仁兄閣下。久疏箋候。馳企殊殷。比維

籌畫咸宜。

起居如意。爲頌無量。茲啓者。小號開設有年。向用某君某

某爲經理。近以他故。由原保證人解決。分手。此後。小號與。

尊處往來一切。均憑新經手某君某辦理。概與舊經理某君無涉。先後交替。事有關係。用特函告。惟希台鑒爲荷。專此卽請

太安。

某某謹啓
月 日

△函告派友接辦店事

某某仁兄閣下。別來忽逾半載。惟

起居勝常爲頌。日前接奉手函。述及店事難於整理。

兄又時爲病纏。似此情形。不但反致。

閣下爲難。而且彼此均覺無益。今擬派某君某某來店。接

辦。

兄事。望卽

清釐一切。以便屆時交代。是爲至禱。專此布達。順請

近安。

某某謹啓 月 日

△函託轉辭夥友

某某仁兄閣下。久違

台教。馳想爲勞。比維

起居納福。

計畫咸宜。爲頌爲慰。弟年來營業。尙可敷衍。奈今歲市况不佳。竭力撐拄。已有左支右絀之虞。未知

閣下何以教之。前承

推薦某君某某。身體柔弱。難勝勞苦。且當茲青年時代。株守小號。亦非所宜。用特函請

閣下轉致。俾其另覓高就。較爲兩便。不情之請。尙希曲爲鑒原。是幸。專此卽請

台安。

某某謹啓

月 日

△函告店中虧本請辭職任

某某先生閣下。違

教以來。思與時積。辰維

履祺集福。

潭祉延釐。式孚所頌。某辱荷

垂青。

囑司店務。自當力策駑駘。勉盡職任。乃上年戰事遷延。市

面大受影響。尙可謂爲時局使然。不意萑苻至今。生意

仍難起色。某若戀棧。不自引退。以致貽誤事機。

閣下卽不加責。撫心自問。固已咎無可辭。故特專函瀝陳

下情。務請乘此所虧無多之時。

速選賢能。來茲主任。大局尙可挽回。佇俟

福音以便交卸。諸希鑒宥。是禱。專此卽請

台安。

某某謹啓

月 日

△致友託代告退

某某仁兄閣下。正擬肅布箋候。乃荷

先施。備承

垂注。就諭

起居萬福。百凡如意爲慰。弟在此瞬將半載。愧無善狀可言。雖蒙經理某君。推誠優待。因

閣下而愛及鄙人。無奈店中同事。遂緣此生忌。輒思中傷。

以個人與多數相抗。勢固不敵。而嫌隙日益滋甚。難望良好結果。於將來再三思維。與其相處爲難。不如及早引退之較愈。惟祈

閣下婉言代達。許弟告辭。則爲幸多矣。專此敬請

籌安。

某某謹啓

月 日

△致友言別就告辭

某某先生閣下。旬餘不奉

大教。惟

履祺潭祉。壹是吉祥爲頌。某承

委辦此間店務以來。兩無間言。本應力策駑駘。以圖報稱。

似無中途告退之理由。奈昨得家書，因舍親新創某某公司，囑弟前往經理。業已簽名宣布，萬難諉推。用敢恃愛直陳，卽祈別選賢能來此接辦，免致兩誤。店中一切刻已清釐，以待交代。請希鑒原，爲禱。專此敬請

台安。

某某謹啓

月

日

△函覆不允經理辭退

某某仁兄閣下。正深企念，恰奉

惠書，卽諭

旅社籌祺。既安且吉。慰如所頌。弟自經商以來。略有閱歷。對於用人一節。從未輕易更調。吾兄經理某處店事。歲獲贏餘。正資倚重。豈能聽任引退。致失臂助於半途。卽或事冗薪微。有負賢勞之處。不妨直言衷曲。與弟相商。所示派人接替一層。此時萬難遵辦。尙冀安心。經理勿萌他念。是爲至禱。專覆卽請台安。

某某謹啓

月

日

△函託規戒同事

某某仁兄閣下。久未通訊。惟

動定延綏爲頌前承

推薦某君爲小號賬友。初尙謹飭自好。近則漸習冶游。日

昨。敝東聞知。囑令卽行辭退。弟念其會計頗精。且爲

閣下所介紹。當已向敝東代爲婉商。暫行留用以觀其後。

務祈

函知某君。勸其速自悔改。以蓋前愆。否則弟心已盡。亦難

再爲置喙矣。專此順請

籌安。

某某謹啓

月 日

△致友請其經理店務

某某仁兄閣下久違

教益時切馳思。辰維

履福延釐。

潭祺集吉。爲頌且慰。敝店經理某君某某。現因自行營業。不能挽留。而一時實難得相繼之人。弟又不能兼理店事。再三思維。知友中可以擔任此席者。莫如吾

兄。敢請

台駕惠臨。代爲經理。明知局面狹小有屈。

大材。但望

不棄舊交。暫行俯就。俾得時聆

教言。至感至盼。專此奉懇。敬請

台安。

某某謹啓

月 日

△函託代延賬友

某某仁兄閣下。秋間一別。忽忽歲闌。辰維

履祉吉祥。

潭祺安燕。爲頌爲慰。茲有懇者。小號賬友某君。曠職時多。擬卽辭歇。惟覓人以代。一時頗覺爲難。因思吾兄交游甚廣。素號知人。乞於朋儕中。擇其書算皆精品。行

端謹者。

代爲延訂來任司賬一席。如得其選。卽祈示我數行有費。

清神容當面謝專此奉託敬請

台安。

某某謹啓

月 日

△致友託薦職務

某某仁兄閣下自違

光儀思與時併辰維

起居安吉。

公私多佳爲頌爲慰弟久賦閒居困難已甚仰事俯畜來日大難因念曩昔知交中不棄故舊而具有熱心者莫如吾

兄用特上懇

燕。穀。俾。得。有。餬。口。之。資。且。吾。

兄。現。爲。商。界。所。推。重。託。謀。枝。棲。當。易。爲。力。務。望。
力。爲。噓。植。免。至。愈。入。窘。鄉。是。所。切。禱。專。此。奉。託。敬。請
台。安。並。盼。

賜。覆。

某某謹啓

月 日

△致友推薦舊友

某某仁兄閣下久違

台教。惟日以

動定安佳爲頌。茲因某君某某昨日見過。謂

尊處現須延用副帳一人。彼意頗願就任。惟不便自爲毛。

遂。囑。爲。先。容。弟。思。伊。曾。供。職。

寶。號。行。爲。端。謹。固。

執。事。所。深。知。其。後。告。退。游。教。兩。方。並。無。惡。感。用。敢。爲。之。請。
命。卽。以。此。席。予。之。俾。得。就。近。營。生。則。伊。愈。當。效。力。馳。驅。勉。

圖。報。稱。是。否。務。祈。

賜。覆。爲。盼。專。此。卽。請。

籌。安。

某某謹啓

月 日

△函託轉薦夥友

某某先生閣下。睽隔

雲儀。時。勞。渴。念。比。維。

興居多福。

籌畫勝常。如頌爲慰。敝友某某。寫算甚精。性情誠樸。

亦爲

閣下所素知。近因某某號歇業。致賦閒居。親老家寒。不得不亟圖營生之路。敢乞

閣下推情說項。俾可獲有枝棲。則身受

鴻施者。固當沒齒不忘。卽弟亦感激無旣矣。專此懇託。敬

請

台安並候

覆示。

某某謹啓

月 日

△函託代懇舊東錄用

某某仁兄閣下。憶自春間握別。瞬已歲闌。每懷

丰采。無日不神馳。

左右也。比維

履祺集祐。

籌祉增祥。定孚遠頌。弟此間餬口事苦。薪微較諸前在某號之情形。實有令人不堪回憶者。近聞某號擴充營業。定必需人。而舊東與

兄氣誼相孚。事多取決。敢乞

鼎言推挽。俾弟如舊燕之歸巢。幸何如之。叨在

知交。故敢煩瀆。可否卽祈
賜覆爲盼。專此奉懇。卽請

台安。

某某謹啓

月 日

△函薦學徒

某某仁兄閣下。日月如駛。別又經年。翹企

光塵。時勞夢轂。辰維

興居暢適。

計畫多宜。如頌爲慰。弟株守家園。乏嘉可述。茲有舍親某
某之子。名某某者。年齡十五。去歲畢業高級小學。今擬
學習商業。俾可自立營生。夙知

尊。處。店。規。嚴。整。

指。示。精。詳。故。特。託。代。請。求。以。冀。

門。牆。之。幸。列。倫。蒙。

推。情。收。錄。當。卽。令。其。趨。

前。承。教。謹。受。

栽。培。例。需。保。證。擬。卽。由。弟。任。之。是。否。務。祈。

賜。覆。爲。禱。專。此。敬。請。

台。安。

某啓謹啓

月 日

△函答允爲推薦

某某仁兄惠鑒。日昨接奉

手書祇悉。豈是吾

兄就事某處。本屬長材。短馭。棄如敝屣。頗爲了當。目下偶賦閒居。尙希不必。

介意。舍親某君某某。現擬組織某某公司。局面甚大。需才頗殷。開辦時期。約在午節前後。旣承

尊屬自當先爲說項。以報知交。俟有好音。卽行飛告。祈勿

懸念。是禱。專此布復。順頌台祉。

某某謹啓
月 日

△函告事成卽須到店

某某仁兄台鑒。日前接奉

手書。早擬作覆。祇緣

囑謀之事。尙未就緒。以致裁答久稽。爲歉。吾

兄。閒居情狀。弟所深知。凡遇交游。隨時說項。昨晤某君某

某。知某處跑街一缺。正在覓人。因亟以

君。應之。幸不辱。

命。某處生意。現頗發達。職務上較易見功。惟事不可緩。務

望

從速束裝。卽於日內到店。至爲盼幸。專此順頌

近祺。

某某謹啓

月

日

△函告薦成須試辦再定

某某仁兄閣下接奉

手書聆悉壹是承

囑圖事一節昨晤某號經理某君某某述及伊號櫃友亟

須添人弟卽以

閣下應之幸蒙當面允許惟謂該號用人舊章必須試辦
一月方可定實

兄如有意希卽

命駕來茲試辦之說本爲慎重用人起見以吾

兄之程度當之諒可合格且舍親某某兄亦係同事倘遇

疑難與之商酌當無不妥也此復卽頌

台祉

某某謹啓

月 日

△函答推薦之事暫難設法

某某仁兄閣下。別後時切遐思。祇以俗務倥傯。未遑削札爲
歉。昨展

來書。籍諗

履祺。覃祉。壹是吉祥。如頌爲慰。承

囑圖事一節。忝在

知交。理當竭力代謀。以報

台命。無如此間。因時局變幻。市面愈覺蕭條。大小各業均

以裁汰夥友。擯節開支。爲主張展轉。思維此時。實難設
俟。及來春。倘有機緣。當爲效力。想吾
兄洞悉時勢。知非弟之推諉。而獲邀
鑒諒也。專覆敬請

台安。

某某謹啓

月

日

△答友言舊東人滿須待另圖

某某仁兄閣下。前奉

手翰。

囑向舊東某君說項。遵卽函詢。頃得其覆。則云
閣下才品俱優。甚堪借重。惟現已人滿。實難位置於一時。

弟念彼處卽作罷論。尙有他事可圖。現在敝友某君某某擬至某埠分設國貨支店。已有成議。日前曾託代覓夥友。晤時當卽以

閣下薦之。大致想可就緒。一有好音。便作飛報。希勿懸系是禱。專此布復。卽頌

台祺。

某某謹啓

月

日

△覆言推薦之夥友未能合格

某某仁兄閣下。昨奉

惠書。敬悉。壹是就譚

起居集吉。

潭第增綏。慰如所頌。承

薦貴友某君。理宜設法位置。以副

尊囑。惟敝東用人。嚴於選擇。一須身體強健。可以耐勞。二須性情溫厚。與人無忤。三須操守端謹。絲毫不苟。四須經歷老練。足以勝任。某君本爲弟所久仰。然惜其有未能合格之處。以致上方。

台命。尚乞。

鑒原。是幸。專此順請。

大安。

某某謹啓

月

日

△介紹友人入商業補習所

某某先生閣下久違

台教企念時殷比想

動定咸宜

指揮如意爲頌無量近聞

貴公司附設商業補習所足徵

培植商界人才之盛意欽佩莫名茲有敝友某某者向在

某號營業人極純正惟自知商學欠缺亟欲乘時講求

以圖進步現擬至

貴處報名肄習知弟與

執事夙契特屬作書介紹倘蒙

推愛屋烏。

俯允所請則感荷。

雲情不啻身受矣。專此奉懇。卽請

台安。

某某謹啓

月 日

△介紹友人調查商業

某某仁兄閣下。溯別經年。懷思曷旣。辰維

億則屢中。

罄無不宜。式如臆頌。茲啓者。敝東現欲擴張營業。擬在

貴埠創設支店。與弟籌商辦法。弟思商人貿易宜定方針。

凡貨物之銷路及市面之盛衰。必先從實地調查。方有

把。握。茲。特。派。同。事。某。君。前。來。擔。任。此。事。另。予。一。函。屬。其。晉。謁。

台。端。面。聆。

教。益。務。希。

推。情。指。導。俾。一。切。底。蘊。洞。悉。無。遺。則。感。銘。靡。既。矣。專。此。奉。

陳。敬。請。

台。安。

某某謹啓

月

日

△介紹友人來店并作保證

某某仁兄賜鑒。昨由某君交到

覆函。敬悉前薦。友某君已蒙。

推情錄用感荷。

雲誼不啻躬受。茲某君定於今日東裝來前。以供驅策。例須保證。擬卽由弟任之。但人微言輕。未識得邀允許。否某君因人地生疏。乞以一言爲介。用修數行。俾其持以進謁。尙祈遇事。

關垂同深。幸感專此奉陳。敬頌

籌祉。

某某謹啓

月

日

△介紹學生來店并作保證

某某仁兄惠鑒。上月肅上一函。正以未得復書爲念。頃由郵局遞到。

手教欣悉前薦。敝友某君之子某某。已蒙鼎力提攜。收人

尊處學業。聞

命之下。感慰交并。茲某君擬即親送其子來前。以供奔走。應須保證。擬由弟爲擔任。惟彼此素未識面。特修數行。俾其持謁。

台端惟祈

推情關切。是禱。專此卽頌

籌祉。

某某謹啓

月 日

△介紹銷售外洋之國貨

某某仁兄台鑒。逕啓者。僑商某某君。昨在國貨維持會參閱各工廠陳列品。據說如絲光襪、絲花邊、草帽緞、丹陽綢、華絲葛、府綢、線紡、摹本、緞絲呢、杭紡、熟羅、茶葉等貨。均是南洋各埠暢銷之物品。囑各出品人送給小樣。由其帶去。以爲介紹國貨推銷之計。某某君已定於星期六放洋務祈

尊處速將各種貨樣。於一二日內送到敝號。以便轉交某某君。幸勿失此時機。爲禱。專此順頌

籌祉。

某某謹啓

月 日

△通候友人并詢市况

某某仁兄閣下。積時魚鹿。削牘未遑。企望

光儀。我懷曷已。辰維

起居晉覽。

計畫咸宜。定符臆祝。弟近來營業。尙屬順平。賤軀亦粗健

如恆。堪以告慰。

知己。惟社會上之公共事業。徒勞奔走。愧無進步。可言。尙

乞。

賜以教益。俾資遵循。是所幸感。

尊處目下市况如何。尤祈

撥冗詳示。爲盼。專此布奉。敬請

台安

某某謹啓

月 日

△致友託其招股

某某仁兄閣下。遠隔

台階。良殷翹企。敬維

履福日增。

籌。祺。時。懋。是。所。忭。頌。弟。年。來。經。營。國。貨。銷。路。頗。佳。惟。原。有。資。本。祇。敷。周。轉。屢。思。擴。充。辦。理。終。覺。獨。力。不。勝。必。須。組。合。股。份。始。可。放。手。經。營。但。非。誠。實。老。練。之。人。未。敢。輕。與。交。議。倘

執。事。親。友。中。有。願。營。此。業。者。務。乞。

費神代招。倘獲其人。卽祈

賜示。忝附。

愛末。故敢瀆煩。想吾

兄洞悉。近今之商情。當亦

樂爲贊成也。專此奉懇。祇請

台安。

某某謹啓

月 日

△致友慰其虧折

某某仁兄台鑒。頃晤某君某某。詢及

近况。始悉

足下因去歲營業虧折。百念俱灰。頗有偃旗息鼓之想。此

亦。情。人。所。難。免。者。雖。然。商。界。之。勝。敗。得。失。本。屬。靡。常。即
如。上。年。某。貨。價。落。折。閱。者。實。居。多。數。乃。入。今。春。而。市。面
陡。漲。轉。爲。奇。貨。之。可。居。蓋。買。易。時。機。不。易。揣。測。惟。失。之
東。隅。者。計。當。收。之。桑。榆。務。望
足。下。振。刷。精。神。力。圖。恢。復。一。旦。遇。有。機。會。自。不。難。指。揮。如
意。獨。樹。一。幟。於。商。場。倘。因。偶。然。蹉。跌。遂。舉。祖。業。而。輕。棄
之。弟。竊。爲。不。取。也。尙。祈

鑒。納。鄙。言。是。幸。專。此。奉。慰。敬。頌

台。社。

某某謹啓

月

日

△致友謝其代理職務

某某仁兄閣下。別來瞬逾兩旬。比想

起居佳勝爲慰。弟回里之時。本擬半月卽行來店。乃事出
意外。家務至今尙未了結。約計尙須旬日。方可告竣。惟
弟之職務。承蒙吾

兄許爲兼攝。旰宵宥迫。可想而知。雖

大材槃槃處之。裕如而精力究未免勞瘁。弟因事累以累
及。

良友抱歎。實難名言。惟望吾

兄愛我。

格外原諒。是所至禱。相晤匪遙。容當泥謝。專此卽請

台安

某某謹啓 月 日

△邀友商量盤店

某某仁兄閣下久違

眉宇相念如何比維

履祺安燕

籌祉延鴻定符所頌茲啓者弟久擬在新都設一支店推廣貨物之銷路因地點未能合意事不果行昨據舍親函述現有某某字號覓人盤受其坐落地段甚佳屬即前往接替勿失此絕好機會惟弟念盤店一事必須辦理熟悉考核周詳如吾

兄者。方可免爲所欺。務乞撥冗惠臨。以資借重。倚裝鵠候。祈勿推辭。是幸。專此敬請。

台安。

某某謹啓

月 日

△邀友處理拆股

某某仁兄閣下。自睽

眉宇。恆切心儀。比維

履祉籌祺。定增佳勝。欣頌欣頌。茲啓者。家兄前與某某君等。合資經營之某某號。累年平順。各無異言。不意家兄於上月因病棄世。舍姪年幼無知。弟復營業事。究不能

兼顧。今決計將該號所有某某記兩股資本銀二千兩。一併拆出。另爲儲蓄。以免煩慮。惟當日原訂合同之證人。

閣下最爲重要務乞

命駕親臨。憑公論定。俾清手續。至禱至盼。專此卽請
台安。

某某謹啓

月 日

△邀友調停倒賬

某某仁兄閣下。月餘不晤。惟日以

台候增綏爲頌。茲啓者。敝友某君某某倒賬一事。實由營業失敗所致。並非味良倒騙之行爲。共計虧欠莊欸及

各號之數六萬八千。所存貨物與客賬兩項。尙約有五萬。卽客帳不能如數收抵。而設法清理。卽債權人似亦不便過於爲難。用敢代乞。

閣下出爲調人。憑理公斷。各債戶當可惟命是從。某君擬於某日假座某園。先期請教。屆時務祈

駕臨是幸。專此奉懇。敬請

台安。

某某謹啓

月

日

△約赴公司股東會

某某仁兄大鑒。日前趨候。值

從者因事他出。未得晤談爲悵。茲啓者。某某公司之營業。據聞上年虧蝕情形。係因兵事影響之所致。現由經理某君。主張改良辦法。必須股東開會議決。始足以圖恢復。而資進行。會期刻已通告。屆時弟必前往。吾

兄閱歷既深。考慮尤密。務祈

撥冗數日。會商一切。弟雖不才。竊願快聞。

鴻論也。專此奉約。敬頌

台祉。

某某謹啓

月 日

△致友催速回店

某某仁兄閣下。旬餘暌隔。感如三秋。比維

潭祉履祉皆大吉祥。如頌爲慰。茲因副帳某君。昨日忽發危症。業已遣人送歸。因此不得不請求吾

兄。即日

命駕來店。以解困難。想吾

兄返里不久。諸事當未就緒。一俟店務稍閒。仍可回府調處。好在交通甚便。往來可以自由也。事關緊要。萬勿延緩。至盼至禱。專此卽請

台安。

某某謹啓
月 日

△催繳股欸

某某先生閣下。久違

音采。企念良殷。辰維

履候增祥。

公私協吉。允如鄙頌。茲啓者。本公司自開辦以來。生意尙稱發達。惟銷路雖暢。亟須籌足資本。以圖積極進行。故昨由股東會議決。限於下月某日。將所認股款一律繳齊。俾得寬展。用特函達

台端。請將

名下應繳之數。速行

惠擲。至爲感荷。專此奉陳。敬請

大安。

某某謹啓

月 日

△催辦貨物

某某仁兄大鑒。上月曾修寸箋。并貨單一紙。計已獲邀台覽。乃時逾旬餘。未見

寄下。至爲盼念。刻因此間存貨。早已售罄。門市急於需用。迫不容延。務乞

即日辦齊。

趕緊交輪寄來。萬勿再誤。爲禱。至所需匯款。已另函某莊。即可照劃。決不至於愆期也。專此敬頌。

籌祉。

某某謹啓

月

日

△報告營業情形

某先生閣下久未奉

教。企念良殷。比維

潭第增綏。

起居輯慶。如頌爲慰。某辱荷

垂青。

囑司店務。凡事祇遵

台命。一以謹慎信實爲主旨。緣是營業幸有發達之機。雖

目下市情因軍事而稍覺恐慌。好在我店所與往來者。均係殷實可恃之商號。當不致有差池。現已一切收緊。辦理以期易於結束。而預計今年之贏餘。或且勝於去

歲也。知關

塵注。用特據情報聞。尙乞

時賜教言。以資遵率。是所禱頌。專此卽請

近安。

某某謹啓

月

日

△報告查帳情形

某某先生賜鑒。上月奉

委調查某埠分號帳目。到時卽吊齊帳冊。逐加詳核。則皆

清晰無訛。卽往來簿記。亦無虛戶宕懸諸弊。惟該存實

數。與現存銀洋不符。約有三百元之譜。查係各友歷年

透支所致。然積久而僅有此數。其情亦尙可原。至店中

各同事除某某外頗能各負責任。可請
放懷。所有物議之由來。察悉爲同業反間之計。已囑嗣後
格外謹慎。勿勞

塵垂弟現擬順道回里一行。特先將帳略一扣。由郵寄上。
卽乞

答閱爲荷。專此祇頌

台祉。

某某謹啓 月 日

△聲明盤店加記

某某仁兄閣下。睽違

大教。忽忽半年。辰維

履候安和。

財祺茂盛。爲頌爲慰。茲啓者。弟近由某君某某介紹。接盤某號營業。已經議妥。所有生財招牌一切。統歸與弟盤受。店號仍舊。另加某記二字。以明標識。至前東銀錢存款。往來各帳。概與某記無涉。因尊處向有來往手續。用特奉聞。卽希

台。督。爲。荷。專。泐。順。請。

近安。

某某謹啓

月

日

△聲明影戲商標

某某仁兄閣下。前布寸緘。當已

譽及比維

履祺集祐

籌祥增祥如頌爲慰。茲啓者。小號新創之某種出品。物質精美。便民利用。頗爲社會歡迎。業經呈部註冊。不准他人模倣。以魚目而混珠。詎意近有某某號。不顧營業上之道德。膽敢假造小號。特別記號。影磁冒充。現已起訴官廳。澈底根究。因恐

尊處未悉。個中情弊。用特奉聞。以免受誤。專此卽請
台安。
某某謹啓
月 日

現代分類尺願大盆

箇界

聯紫交際類

